


帝王部

命相二

命相三

命相四



冊府元龜

甲下六冊

冊府元龜卷之七十二

帝王部

命相第二

晉元帝建武元年二月以撫軍大將軍西陽王羨爲太保太尉荀組爲司徒時帝即晉王位欲以組爲司徒問太常賀循循曰組舊望靖重忠勤顯著遷訓五品實允衆望於是拜之

十一月以司空劉琨爲太尉

太興四年七月以驃騎將軍王導爲司空

永昌元年十一月以司徒荀組爲太尉

明帝太寧三年閏八月遺詔以太宰西陽王羨司徒王

導輔太子太子即成帝也

武帝即位初以司徒王導錄尚書事與中書令庾亮參輔朝政

咸和四年三月以征西大將軍陶侃為太尉車騎將軍郗鑒為司空

咸康四年五月以司徒王導為太傅都督中外諸將事司空郗鑒為太尉征西將軍庾亮為司空

六月改司徒為丞相以太傅王導為之冊曰朕夙羅不造肆陟帝位未堪多難禍亂旁興公文貫九功武經七德外緝四海內齊八政天地以平人神以和業同伊尹道隆姬旦仰思唐虞登庸雋義申命群官允登庶績朕

思憑高謀弘濟遠猷維稽古昔建爾于上公之位永為晉輔往踐厥職敬敷道訓以亮天工不亦休哉公其戒之

五年八月復改丞相為司徒十二月以驃騎將軍瑯琊王岳為之

六年正月以左光祿大夫陸玩為司空

康帝即位諒陰不言委政于中書監庾冰領中書令

逮元元年十月以驃騎將軍何充為中書監揚州刺史錄尚書事輔政以褚裒為衛將軍領中書令

穆帝永和二年二月以左光祿大夫蔡謨領司徒錄尚書六條事撫軍大將軍會稽王昱及謨並輔政

八年七月以鎮國大將軍武陵王晞為太宰輔軍大將軍會稽王昱為司徒征西大將軍桓溫為太尉
哀帝興寧元年五月加桓溫侍中大司馬都督中外諸軍事錄尚書事

廢帝太和元年十月以會稽王昱為丞相

簡文帝咸安元年十一月以大司馬桓溫為丞相

孝武帝太元元年正月以尚書僕射謝安為中書監錄尚書事

二年八月以謝安為司徒

五年六月以驃騎將軍瑯琊王導子為司徒

六年十一月以鎮東大將軍郗愔為司空

玖年參月以衛將軍謝安為太保

安帝即位初以司徒會稽王導子為太傅輔政

隆安元年三月帝蒙塵于尋陽桓玄逼帝西上帝密詔以幽逼於玄萬機虛曠令武陵王導依舊典承制總百官行事加侍中大將軍

義熙元年三月帝至自江陵以琅琊王德文為大司馬武陵王導為太保鎮將軍劉裕為侍中車騎將軍劉裕為揚州刺史錄尚書事

十四年六月劉裕為相國封宋公

恭帝元熙元年正月以驃騎將軍劉道憐為司空

後魏道武皇始元年七月即位二年五月以東平公元

儀爲驃騎大將軍都督中外諸軍事左丞相

天興元年四月以征虜將軍歷陽公穆崇爲太尉安南軍鉅塵公長孫嵩爲司徒

六年十一月徵州刺史庾岳爲司空

明元太常七年四月以太平王燾爲相國加大將軍

五月以燾輔政左丞相奚斤爲左輔太尉穆觀爲右弼

已傳奚斤拜右丞相觀拜大尉年月出則統輔朝政入則應對左右事無巨細

皆關決焉

九月以奚斤爲司空行楊州刺史

大武始光二年三月以司徒北平長孫嵩爲太尉平陽

王長孫翰爲司徒宜城王奚斤爲司空

神麤三年七月詔大鴻臚杜超爲太宰行征南大將軍

鎮鄴

四年九月以左光祿大夫崔浩爲司徒征西大將軍長

孫遵生爲司空

太延中以侍中盧魯元爲太保祿尚書事

太平真君五年正月皇太子始總百揆以侍中中書監

穆壽司徒崔浩侍中張黎古弼輔政

文成興安元年十月即位以驃騎大將軍元壽樂爲太

宰都督中外諸軍事錄尚書事

十二月以樂陵王周怵爲大尉平原王陸麗爲司徒鎮

西將軍杜元寶爲司空

興光元年正月以侍中伊馘為司空

太安元年十月以遼西公常英為太宰

獻文即位初以侍中車騎大將軍乙渾為大尉錄尚書事東安王劉居為司徒尚書左僕射和其奴為司空又以乙渾為丞相居諸王上事無大小皆決於渾

皇興元年閏正月以頓丘王李浚為太宰

四年二月以東郡王陸定國為司空

孝文延興三年四月假上黨王長孫觀司空討吐谷渾
十寅

承明元年六月征西將軍安樂王長樂為太尉尚書左僕射南平公日辰為司徒南部尚書李訢為司空

二年六月以昌黎王憑熙為太宰

太和元年三月征西王大將軍雍州刺史東陽王丕為
司徒

三年九月以侍中司徒東陽王丕為太尉侍中尚書右僕射建為司徒侍中尚書荀頽為司空

九年十二月侍中淮南王他為司空

十三年十二月以尚書令尉元為司徒左僕射穆亮為
司空

十五年十二月以安定王休為太傅齊郡王簡為太保
十六年十月以太尉東陽王丕為太傅

二十三年二月以長兼大尉咸陽禧為正太尉中軍大

將軍彭城王勰為司徒

宣帝即位初以司徒彭城王勰總攝百揆以侍中北海王詳為司空鎮南將軍王肅為尚書令廣陽王嘉為左僕射尚書宋弁為吏部尚書與侍中大尉公禧石僕射任城王澄等六人輔政

景明元年二月復以彭城王勰為司徒

十月改授勰司徒錄尚書事

二年正月以太尉咸陽王禧為太保司空北海王詳為大將軍錄尚書事又以太保咸陽王禧領大尉大將軍廣陵王羽為司徒

十一月以驃騎大將軍穆亮為司空大將軍北海王詳為太傅領司徒

四年七月以彭城王勰為太師

正始元年閏十二月以驃騎大將軍高陽王雍為司空四年九月詔曰朕東歷承天獲年將紀徒正宮極歲淡歸餘台懿茂親祗勤已久列司英彥庸績未酬非所謂有功見知賞以時及其司空高陽王雍為太尉尚書令廣陽王嘉為司空

永平二年十月以司空廣陽王嘉為司徒

延昌元年正月以車騎大將軍尚書令高肇為司徒清河王懌為司空

二年二月太尉高陽王雍進位太保

孝明延昌四年正月初即位詔太保高陽王雍入居西相堂決庶政又詔任城王澄為尚書令百官總已以聽於二王

臣欽居等曰孝明即位年六歲委政於二王也

二月太保高陽王雍進位太傅領太尉司空清河王懌為司徒驃騎太將軍廣平王懷為司空

七月司空清河王懌進位太傅領太尉司空廣平王懷為太保領司空驃騎大將軍任城王澄為司空

十二月以高陽王雍為太師

熙平二年四月以中書監胡國珍為司徒公

八月詔侍中太師高陽王雍入居門下參決尚書奏事

神龜二年五月以司空任城王澄為司徒公驃騎大將

軍京非玉繼為司空公

正光元年九月以太師高陽王雍為丞相

十月以驃騎太將軍汝南王悅為太尉公

十二月以司空京兆王繼為司徒公

二年二月以儀同劉騰為司空公

四月以司徒京兆王繼進位太保車騎大將軍崔光為司徒公

三年十二月太保京兆王繼為太傅司徒崔光為太保

四年九月詔侍中太尉汝南王悅入居明下興丞相高

陽王雍參決尚書奏事

十一月以悅為太保

五年十二月詔太傅京兆王繼為太師

孝昌元年正月以太師京兆王繼為太尉

二年正月以太保汝南王悅領太尉

三年正月以司空皇甫度為司徒儀同三司肅寶寅為司空又以皇甫度為太尉

孝莊建義元年四月即位以前太尉公江陽王繼為太師比王顥為太傅光祿大夫李延寔為太保并州刺史元天穆為太尉公侍中楊椿為司徒公車騎太將軍穆紹為司空公領尚書令

七月以太將軍爾朱榮為柱國大將軍錄尚書事

永安元年九月以爾朱榮為大丞相都督河北諸軍事

以司徒公楊椿為太保城陽王徽為司徒

十月以爾朱榮為太師

二年七月以大將軍上黨王天穆為太宰司徒公城陽王徽為大司馬太尉公

閏七月以侍中太傅李延寔為司徒

十月以前司空公丹陽王蕭贊為司徒公

十一月以司徒公蕭贊為太尉公雍州刺史長孫稚為司徒公

三年十一月以司徒公長孫稚為太尉公

前廢帝普泰元年三月詔太師青州刺史魯郡王肅還為太師車騎大將軍沛郡王欣清河王亶並為太傅驃

騎大將軍尚書令爾朱世隆為太保前太尉公長孫稚為太尉公錄尚書事稚固辭除驃騎大將軍以趙郡王諶為司空公

四月以侍中驃騎大將軍爾朱伯為司空公

後廢帝中興元年十月即位以大將軍高歡為侍中丞相都督中外諸軍事以兼侍中撫軍將軍高乾邕為侍中司空公

二年正月以丞相高歡為大丞相柱國大將軍太師

出帝太昌元年四月即位以高歡為大丞相天柱大將軍太師世襲定州刺史

五月以太傅淮陽王欣為太師司徒趙郡王諶為太保

南陽王寶鉅為太尉侍中太保錄尚書事長孫稚為太

傅前司空高乾邕復為司空侍中清河王亶為司徒

永熙二年二月以司空高乾邕為驃騎大將軍以咸陽

王坦為司空公

三月以侍中太保趙郡王諶為太尉公侍中太尉公南陽王寶鉅為太傅開府尚書令

七月以太司廣陵王欣為太師馬侍中以太尉公趙郡王諶為太師以前司徒公燕郡賀拔渥為太尉公

三年五月以大司馬侍中廣陵王欣為左軍大都督太傅錄尚書事

西魏文帝大統元年正月以閔西大行臺宇文泰都督

中外諸軍事大行臺祿尚書事

十四年五月進秦為太師

廢帝嗣位初以太師宇文泰為冢宰總百揆

恭帝三年正月行周禮建六官以宇文泰為太師大冢

宰柱國李弼為太傅太司徒趙貴為太師大宗伯獨孤

信為大司馬于謹為大司寇廢莫陳崇為大司空

後周閔帝元年時不建
年紀正月以太傅大冢宰大司馬獨

孤信為太保大宗伯中山公護為大司馬

二月以大司空廢莫陳崇為太保大司馬晉國公護為

大冢宰柱國賀蘭祥為大司馬高陽公達奚武為大司

寇

孝明武成二年即天王位二年正月以大冢宰晉公護

為大師高祖武帝保定元年正月以太師大冢宰晉公

護為都督中外諸軍令五府總於天官

三年四月以柱國達奚武為太保

天和三年四月以太保達奚武為太傅大司馬尉遲迴

為太保建德元年三月大師大冢宰晉公護誅以太傅

尉遲迴為太師柱國竇熾為太傅大司空李穆為太保

齊國公憲為大冢宰

宣政元年二月以大冢宰譙王儉薨以上柱國越王盛

為大冢宰

宣帝即位初以趙王括為大師陳王紘為太傅

大象元年正月初置四輔官以大象宰越王盛為大前
疑蜀國公尉遲迴為大右弼申國公李穆為大左輔隨
國公楊堅為大後丞

二月以大前疑越王盛為太保大右弼尉遲迴為大前
疑代王達為大右弼

五月越王盛代王達之國以大後丞楊堅為大前疑柱
國司馬消難為大後丞

八月以雍州牧畢王賢為大師上相國韓建業為大左
輔

靜帝即位初以漢王盛贊為大右丞相隨國公楊堅為
左大丞相帝居諒閣百官總已以聽於左丞相又以漢

王贊為太師并州總管李穆為太傅宋實為大前疑國
秦王贊為大右弼燕國寔為大左輔又去丞相左右之
號以隨公楊堅為大丞相又加大象宰五府總於天官
大定元年二月以大丞相楊堅為相國總百揆尋禪于
隋

隋高祖文帝開皇元年二月即位以并州總管李穆為
太師鄧國公竇熾為太傅幽州總管翼為尉相國司馬
高穎為尚書左僕射兼納言相國錄虞慶則為內史監
相國內郎李德林為內史令

三月以太子少保蘇威為納言

九年四月以晉王廣為太尉

六月以荊州總管楊素為納言

十年七月以納言楊素為內史令

仁壽元年正月以晉王昭為內史令

二年十月以工部尚書楊達為納言

煬帝大業二年六月以尚書令楊素為司徒

三年九月以民部尚書楊文思為納言

唐高祖武德元年五月即位六月以相國長史裴寂為

尚書右僕射相國司馬劉文靜為納言戶部尚書蕭瑀

相國司錄竇威並為內史令

是年以將作大匠竇抗兼納言

二年正月以黃門侍郎陳叔達為納言十月以黃門侍

郎楊恭仁為納言

三年三月改納言為侍中內史念為中書令以內史侍

郎封德彝兼中書令

六年四月詔曰端揆之職綜理百司任望斯重勲賢攸

寄尚書左僕射魏國公寂風格奄粹局量弘雅早預經

綸元功特有燮諧治本茂績以宣中書令宋國公蕭瑀

志懷貞確業履冲素歷居顯要勵精理術獻納惟允周

慎有聞宜穆彝章允登庶政寂可尚書左僕射瑀可尚

書右僕射又以兼中書令封德彝為中書令

九年正月詔曰槐路清肅台階重峻經邦論道燮諧是

禹然而表德優賢昔王令典庸勲紀績列代通規尚書

左僕射魏國公寂地胄清華風神閑悟立志溫裕局量
弘雅妥自義旗早參締構真契所感實資同德譬茲梁
棟有若鹽梅翊贊網繆庶政惟允歷居端撥彝章緝穆
元功懋德膺茲重望可司空

六月太宗平內難立為皇太子七月以太子左庶子高
士廉為侍中右庶子房齡玄啓事宇文士及並為中書
令尚書右僕射蕭瑀為尚書左僕射中書令封德彝為
尚書右僕射

太宗貞觀元年六月以皇太子少師蕭瑀為尚書左僕
射

七月詔曰望隆朝右任重國鈞尚想風猷義惟賢戚吏
部尚書齊國公長孫無忌識量寵遠神情警發道照縉
紳方資文武鏘俎之策電斷風馳干戈所指雲銷霧徹
幾深之策彌著忠義之節以彰斯固立德佐時降靈輔
闢宜以翼贊授之端撥可尚書右僕射

二年十二月以黃門侍郎王珪為侍中

三年六月詔曰尚書政本端撥任隆自非經國大材莫
或斯舉中書令兼太子詹事刑國公房玄齡器宇沉還
風度寵遠譽遐通道員簪纓兵部尚書檢校侍中蔡國
公杜如晦識量清舉神彩凝映德宜內外聲溢廟堂朕
自克乎宇縣締構資始叶贊經綸厥公甚茂深謀秘畧
合規矩忠議讜言事啓沃多及典司樞要網繆宸扆開

物成務知而不爲可謂神降英靈天資人傑並宜總司
衡軸光闡大猷玄齡可尚書左僕射餘如故如晦可尚
書右僕射又以尚書左丞相魏徵爲秘書監參預朝政
四年二月以御史大夫溫彥博爲中書令

八月詔曰端右望隆寄任尤重實資勲德朝難其選右
光祿大夫行兵部尚書伐國公李靖識度宏遠才略優
贍博綜機務兼資文武誠著夷險效彰出納便蕃省達
詳謹有聞宜緝彞倫允茲名器可尚書右僕射

七年二月以秘書監檢校侍中魏徵爲侍中

十一月詔曰論道台階寔賴明哲丹青神化寄深燮理
自非益悔是屬棟幹有歸則曠職俟能罔或必備開府

儀同三司齊國公無忌器宇凝正風度峻遠才包文武
地兼賢戚誠著草昧之辰業預艱難之始功侔干亂聲
高三傑亮彩銓衡庶僚有序儀刑端右彞彰以穆自任
參鼎司位班槐路撫挹之美刑於縉紳翼贊之規彰於
惟宸宜崇名器允副具瞻可司空所司具禮以時冊命
九年十二月以右光祿大夫蕭瑀依舊持進參預朝政
十六年六月詔曰文昌治本端副望隆朝綱所屬選衆
斯在中書令虞國公溫彥博休業貞固學藝該明器惟
瑚璉材稱棟幹任摠絲綸職居近密迺心著於帷幄嘉
謀表於樽俎寄深啓渥義益梅宜弁禮闈允茲彞序可
尚書右僕射勲封如故又以大常卿楊師道爲侍中

十一年七月詔曰司會政本執法任隆歷選攸難惟賢是屬持進吏部尚書申州刺史上柱國申國公高士廉氣宇冲邈機神峻遠材稱棟幹望重播紳地惟姻婭迺誠著於疇昔業預經綸加庸彰於夷儉出總方嶽入贊衡機獻替之情譽光八舍銓綜之美聲洽九旒啓沃是寄鹽梅斯在宜二端右允副式瞻可尚書右僕射持進刺史勲官封並如故

十三年十一月以侍中楊師道為中書令

十六年正月以中書侍郎岑文本專知機密

七月詔曰古先哲后咸正庶官德優者爵高功多者祿厚是以經邦錦國必俟蕭曹之勲燮理陰陽允歸鍾莘

之望司空趙公無忌識量弘博風度峻遠地惟親賢材稱梁棟締構霸業茂勲著於艱難弼成王道迺心竭於寅亮鹽梅是寄丹青攸屬德綜機衡繫猷且舉自叶魏玄歲月禹移固以勒美太常書忠甲令者矣宜陟中台式典邦教可司徒又詔曰惟天惟大資四序以成功惟王建國候三台以弘化故隆受命吳登飛聲有音勃興荀何底績開府同三司尚書左僕射太子少師上柱國梁國公房玄齡器範忠肅識具明允才稱王佐望乃時英霸國爰始預經綸之業鼎命惟新贊隆平之化誠固金石勲勒鍾鼎目仕總庶尹職重朝端心力書於翼亮劬勞積於歲序而志在冲退有懷止足固陳襄府屢上

表疏然則燮撥理閣職務寔繁論道魏庭望寔攸屬宜加寵命平茲水土可司空

十七年八月以工部尚書張亮為刑部尚書參預朝政十八年八月以散騎常侍劉洎為侍中中書侍郎岑文本馬周並為中書令以黃門侍郎褚遂良參預朝政十九年二月以吏部尚書楊師道為中書令

二十二年正月以司徒長孫無忌兼檢校中書令知尚書門下三省事刑部侍郎崔仁師為中書侍郎參知機務九月以黃門侍郎褚遂良為中書令

高宗即位初以禮部尚書兼太子左庶子于志寧少詹事兼尚書左丞張行成並為侍中太子左庶子兼吏部

侍郎高季輔為中書令以司徒揚州大都督長孫無忌為太尉兼檢校中書令知尚書門下省並如故又以特進李勣為尚書左僕射同中書門下三品

永徽二年正月以黃門侍郎宇文節中書侍郎柳奭並同中書門下三品

八月以侍中于志寧為尚書左僕射侍中張行成為尚書右僕射並同中書門下三品中書令高季輔為侍中二年正月以同州刺史褚遂良為吏部尚書同中書門下三品

三月以黃門侍郎宇文節為侍中中書侍郎柳奭為中書令

四年二月以開府儀同三司李勣為司空

九月以吏部尚書褚遂良尚書右僕射依舊知政事

十一月以兵部尚書崔敦禮為侍中

六年五月以黃門侍郎韓瑗為侍中中書侍郎朱濟為中書令七月以侍中敦禮為中書令

顯慶元年三月以戶部侍郎杜正倫為黃門侍郎同中書門下三品

三年三月以中書侍郎李義為中書令黃門侍郎杜正倫兼度支尚書依舊同中書門下三品

八月以禮部尚書許敬宗為侍中

九月以度支尚書杜正倫為中書令

三年十一月以侍中皇太子賓客權檢校中書令許敬宗為中書令賓客如故

是月以大理卿辛茂將為侍中

四年四月以尚書左僕射于志寧為太子太師同中書門下三品黃門侍郎許圜師參知政事

五月兵部尚書任雅相度支尚書盧承慶並參知政事

七月普州刺史李義府為吏部尚書同中書門下三品龍朔二年二月改門下省為東臺中書省為西臺侍中

為左丞相中書令為右相以中書令許敬宗為右相散騎常侍許圜師為侍極檢校左相五月以右侍極許圜師為右相

十月以西臺侍郎上官儀同東臺品

三年正月以司列太常伯李義府為右相

麟德元年八月以司列太常伯劉祥道為兼右相大司
憲

寶德玄為兼司元太常伯檢校左相

十二月以太子右中護樂彥熈西臺郎孫處約同知政

二年三月以司戎太常伯姜恪同東西臺三品

四月以侍極陸敦信為檢校右相

乾封元年七月以大司憲劉仁軌兼右相

二年六月西臺侍郎楊武戴至德東臺侍郎李安期張

文瓘並同東西臺三品

總章元年三月以東臺侍郎郝處俊同東西臺三品

二年二月以右肅機李敬玄為西臺侍郎同東西臺三

品

十月依舊以左相為侍中右相為中書令東西臺為中

書門下是月太子左庶子劉仁軌同中書門下三品

上元二年八月以太子左庶子同中書門下三品劉仁

軌為左僕射依舊監修國史大理卿同中書門下三品

張文權為侍中中書侍郎同中書門下三品郝處俊為

中書令吏部侍郎李敬玄為吏部尚書同中書門下三

品並依前監修國史

三年二月黃門侍郎耒常中書侍郎薛元超並同中書

門下三品

四月中書侍郎李義琰同中書門下三品

六月黃門侍郎高智周同中書門下三品

儀風元年十一月以吏部尚書李敬玄為中書令

四年四月以中書令郝處俊為侍中

調露二年四月黃門侍郎裴炎崔智溫中書侍郎王德

真並同中書門下三品

永隆二年閏七月以黃門侍郎裴炎為侍中黃門侍郎

崔智溫中書侍郎薛元超並為中書令

永淳元年四月黃門侍郎舉兵部侍郎岑長倩中書侍

郎郭正一吏部侍郎魏玄同並與中書門下同承受進

止平章事

高宗調中書令崔智溫曰待舉等歷任尚淺且令預聞

政事未可即與卿等司名稱目司外司四品以下知政

事遂以平章為名自待舉等始

十月黃門侍郎劉景先同中書門下平章事

中宗神龍元年正月自皇太子監國以司刑少卿兼相

王府司馬袁恕已為鳳閣侍郎同鳳閣鸞臺平章

則天時政

平書門下為鳳閣鸞臺為納言是月自太子即皇帝位以鳳閣侍郎同

鳳閣鸞臺平章事張柬之為夏官尚書同鳳閣鸞臺三

品鸞臺侍郎同鳳閣鸞臺平章事崔玄暉為內史以袁

恕已同鳳閣鸞臺三品左羽林又將軍敬暉及右羽林

將軍桓彥範並為納言

是月詔臺門官各並依永淳已前故事

三月以太子賓客武三思為司空中書門下三品散騎常侍武攸暨為司徒國子祭酒弘文館學士祝欽明同中書門下三品

四月以端州高要縣尉魏元忠為衛尉卿同中書門下三品又以刑部尚書常安石為吏部尚書太子賓客李懷遠為石散騎常侍兵部尚書同中書門下三品唐本景為輔國大將軍中書令崔玄暉為檢校益州都督長史判都督事戶部尚書同中書門下三品兼檢校雍州長史楊再思兼檢校揚州大都督長史判都督事國子祭酒中書門下三品祝欽明為刑部尚書並同中書門

下三品初高宗在春宮元忠等繼為左右庶子等官故有斯授又以兵部尚書同中書門下三品張柬之為中書令

五月吏部尚書同中書門下三品常安石檢校中書令兵部尚書同中書門下三品魏元忠檢校侍中

六月詔尚書左僕射豆盧欽望軍國重事中書門下可共平章事以檢校中書令常安石為中書令檢校侍中魏元忠為侍中檢校兵部尚書楊再思為戶部尚書兼檢校中書令

七月太子賓客常巨源同中書門下三品依舊西京留守

十月侍中魏元忠為中書令檢校中書令楊再思為侍中

二年正月吏部尚書李矯同中書門下三品中書侍郎于惟謙同中書門下平章事

二月刑部尚書常巨源同中書門下三品

三月以戶部尚書蘇環為侍中西京留守

七月以吏部尚書同中書門下三品李墳為中書令常巨源為吏部尚書依舊同中書門下三品前在散騎常侍李環以本官同中書門下三品

景龍元年九月兵部尚書宗楚客左衛將軍兼太府卿紀處納並同中書門下三品又以吏部侍郎蕭至忠為

黃門侍郎同中書門下三品

是月以侍中楊再思為中書令吏部尚書同中書門下三品常巨源太府卿同中書門下三品紀處納並為侍中

三年二月侍中常巨源為左僕射同中書門下三品兵部尚書同中書門下三品宗楚客為中書令中書侍郎蕭至忠為侍郎太府卿常嗣立為兵部尚書同中書門下三品兵部侍郎趙彥昭為中書侍郎太常少卿趙惜為吏部尚書及中書侍郎崔湜並同中書門下平章事禮部尚書常溫為太子少保同中書門下三品時政出多門遷除甚衆無聽事可以處之時人語曰宰相無坐

處

九月以特進韋安石爲侍中蕭至忠爲中書令

九月以吏部尚書蘇瓌爲右僕射同中書門下三品

十二月以前右僕射唐休璟爲太子少卿同中書門下三品

睿宗初平韋庶人以死絕藍鍾紹京爲中書侍郎前同州朝邑縣尉劉幽永爲中書舍人參知機務黃門侍郎李日知同中書門下三品又以中書侍郎鍾北京爲中書令及即位以太常少卿薛稷爲黃門侍郎參知機務許州刺史姚元之爲兵部尚書同中書門下三品兵部尚書韋嗣立爲中書令又以兵部侍郎兼知雍州長史

崔日用爲黃門侍郎參知機務洛州長史宋璟爲檢校吏部尚書同中書門下三品

景雲二年正月大僕卿郭元振中書侍郎張說並同中書門下平章事

四月以侍中韋石爲中書令黃門侍郎李日知爲侍中五月以殿中監竇懷真爲左御史大夫同中書門下平章事

九月遷侍中

十月以吏部尚書劉幽永爲侍中右散騎常侍魏知古同中書門下三品太子詹事崔是爲中書侍郎同中書門下平章事陸象先同中書門下

太極元年二月以戶部尚書岑羲左臺御史大夫竇懷
貞並同中書門下三品六月羲遷侍中七月懷貞遷尚
書右僕射平章事軍國重事

先天元年八月以右僕射散騎常侍同中書門下三品
魏知古爲侍中中書侍郎同中書門下三品平章事崔
湜爲中書令

二年正月以吏部尚書兼太子右諭德蕭至忠爲中書
令

玄宗先天二年七月旣誅太平公主是月制曰設命百
工傳膺審象漢推三傑良屬運籌不有斯人孰資予
尚書左丞張說居正含道體直理精朕惜在承莘首延
博望談經之際欽若讜言揮翰之間潤色鴻業屢陳規
益見嫉姦回頃雖抗迹踈遠而乃懷飢渴今群兇已服
大猷伊始永言亮彩光朕側席之期俾茲啓沃咸服濟
川之望宜參鼎鉉式綜絲綸可中書令

八月以封州流人劉幽永忠而獲罪乃下制曰劉幽永
風雲玄感川嶽粹靈學綜九流文窮三變茂勲立艱難
之際嘉話盈啓沃之初在讜直以不回爲姦邪之所忌
豐萌頰露譖端竊發元見遂詭人孔多旣殄群兇方宣
大化期間政於經始載登賢於夢卜可守尚書右僕射
知軍國大事徐國公寔封並

十月畋于渭川以同州刺史姚元之入爲宰輔制曰王

佐師兵之任旁求梗幹膺此具瞻姚元之寵略冠時偉
才生代識精監遠正辭強學有忠臣之操得賢之風宜
踐台衡規益斯左須居藩辟循良是屬載懷一德分明
六官訐謨允歸文武兼濟式憑帷幄之筭宜副韜鈴之
委可兵部尚書同中書門下三品

十二月改元開元改中書爲紫微門下爲黃門侍中爲
監左右僕射爲左右丞相以兵部尚書同紫微黃門三
品姚元崇兼紫微令又以尚書左僕射兼侍中劉幽永
爲尚書左丞相兼黃門監正官名也是月制曰宰輔之
任謨是屬不有大材孰康景化黃門侍郎盧懷慎貞純
懿孝悌仁厚度量深於海堅清邁於冰雪事皆体大詎
觀非聖之書心必在公雅契惟賢之典故能危言平色
直道匪窮政之微管求而得謬宜龍璫闡參乎鼎座可
同紫微黃門平章事

開元二年正月制曰右稱納言亦號常伯厥命惟允朕
之股相俾七成績書歸良輔黃門侍郎同紫微黃門平
章事盧懷慎氣寔溫厚生於蘇比年始英妙出自山東
王佐所期人師收屬考彼惕歷外於獻替許國忘身立
朝正色有仲山甫之節成管夷吾之能故其道彌尊其
心益不可以敷我王度弼於朕躬用增輝於侍幄宜拜
於參事可黃門監

四年十一月制曰軒夢三相舜舉八元咸佇人傑以宣

邦政尚書左丞相柱國安陽縣開國男源乾曜雅文強
學達識用材貞白可以勵時道義可以引物虛懷同於
抱月懸鏡不疲利器比於成風制鍾無滯固可光左曹
之駁議翼中禁之謀猷用參金鉉之司兼踐玉臺之副
黃門侍郎同紫微黃門平章事勳封如故

閏十二月制曰虞廷稱盛任於夔寵周邦以寧屬於閔
散是知出納惟允必俟英奇啟沃以光寔資茂彥銀青
光祿大夫守刑部尚書上柱國廣平郡開國公宋景畚
宇凝峻執心勤直銀青光祿大夫行紫微侍郎兼制誥
上柱國許國公蘇頲風檢詳密藻思清華或掌憲南宮
侍平邦典或代言西掖翊輔政途咸竭奉上之心俱盡
匪躬之節九流俟其澄序衆務資其彌諧宜委銓管兼
侍帷幄璟守吏部尚書兼黃門監頲可同紫微黃門平
章事散官勳封各如故

五年九月改紫微黃門依舊爲中書門下
八年正月以京兆尹源乾曜爲黃門侍郎并州大都督
府長史張嘉貞爲中書侍郎並同中書門下平章事
五月乾曜爲中書貞嘉爲中書令

九年九月制曰乾坤以陰陽化成后王以輔弼興理所
以寅亮天極緝熙帝圖非大夫賢孰寄斯任天立軍節
度大使右羽林將軍兼并州長史攝御史大夫兼國公
兼修國史張說挺其公方生我王國體文武之道則出

將入相盡忠貞之節亦前疑後丞諒可以引此大猷愬其邦政允釐庶績保乂皇家可守兵部尚書同中書門下三品勲封修國史如故仍即馳驛赴京

十一年四月制曰晉稱內史以司號令漢曰尚書是主喉舌周平群國以左王教兵部尚書兼中令張說履道體政經德立言吏部尚書王峻忠肅剛簡博聞宏識並才苞王佐望重時英內訓五品外清九服嘉謀庶績必盡庶績允康宜參五臣之命以正三台之像說可中書令峻可兵部尚書同中書門下三品

十四年四月以戶部侍郎李元瓘同中書門下平章事十六年十一月以河西節度使判涼州事蕭嵩爲兵部尚書同中書門下平章事

十七年六月以戶部侍郎宇文融爲黃門侍郎兵部侍郎裴光庭爲中書侍郎並同中書門下平章事

二十一年三月制曰思致雍熙聿永良輔又勤夢寐近在周行尚書左丞韓休蘊道弘深秉德經遠精誠可以執物素行可以律人一自登朝備開體國志存公亮誠合始終而羽翼朕躬金玉王度人望是在朝選無踰宜拜命於鎖闥俾兼和於鼎實可守黃門侍郎同中書門下平章事

十二月制曰風雲之感必生王佐廊廟之任爰在柱臣京逃尹裝耀卿含元精之休體度弘遠前中書侍郎張

九齡挺生之人秀器識通明並風望素高人倫是仰以
叶彼寅亮當茲啟沃幹時待士旣資鼎寶之和爲國急
賢寔惟金華之事耀卿可黃門侍郎九齡可起復中書
侍郎並同中書門下平章事

二十二年五月以黃門侍郎李林甫爲禮部尚書同中
書門下三品

二十四年十一月殿中監牛仙客爲工部尚書同中書門
下三品

天寶元年二月改侍中爲左相中書令爲右相黃門侍
郎爲下侍郎尚書左右丞相依舊爲左右僕射

八月以刑部尚書兼御史大夫李適之爲左相

五載四月門下侍郎陳希烈同中書門下平章事

六載二月希烈遷左相

十一載十一月制曰先王立政以惟擇賢所以時亮天

工叶修人紀總茲三事是屬中樞審于百工僉曰丞相

銀青光祿大夫御史大夫判度支事權知太府卿兼蜀

群長史持節劍南節度使度營田等副大使本道兼山

南西道採訪處置使兩京太府司農出納監倉祠祭木

炭宮市長春九成宮使閔內道及京畿採訪處置使上

柱國弘農縣開國伯楊國忠統粹精明懸解虛受此之

管樂文多體要之詞擬于邛魏武有韜鈴之學真方其

道簡易能成往自皇即爰秉天憲軍國大政弘益茲多

則造膝沃心已期主佐彌綸經濟同致雍熙况南臺冢
宰尤思藻鑒西垣鼎座深佇燮和會予宿心爾為相宜
兼密啟式總如綸可守右相兼吏部尚書集賢殿學士
修國史崇玄閣大學士大清大微官使仍判度友及蜀
群大都督府長史劔南節度友度營田副大使本道兼
山南西道採訪處制使兩京出納勾當租庸鑄錢等使
並如故

十三載八月以文部侍郎常晃素為武部尚書同中書
門下平章事

十五載六月玄宗幸蜀次河池群劔南番後司勳郎中
崔圓奏西川歲秘民安儲供無闕授圓中書侍郎同中

書門下平章事

七月至晉安群憲部侍郎房琯從及乘輿見于郡舍與
語甚悅即日拜增吏部尚書同中書門下平章事是日
車駕至巴西部太守崔湏迎謁即日拜門下侍郎中書
門下平章事以武部尚書同中書門下平章事韋而素
為左相

初崔湏為司門員外郎楊國忠出不附已者湏

以倒遷劔州刺史至是抗詞忠齷皆寃涇体去

宗嘉之以為湏免

冊府元龜卷之七十三

帝王部 七十三

命相第三

唐肅宗至德元年七月即位於靈武以御史中丞裴冕
為中書侍郎同平章事

二年正月以憲部尚書李麟同平章事

二月以前憲部尚書致仕苗晉卿為左相

晉卿天寶末

屬祿山叛逆楊國忠以晉卿有時望出為陝西刺史晉卿辭疾不行因行致仕及朝廷失守衣冠流離道路多

為逆黨所脅自陳希烈張均以下數十人盡赴洛陽晉卿遁山谷南投金州會肅宗至鳳翔手詔追晉卿赴

行在所曰為左相國務悉以治之

五月以諫議大夫張錫為中書侍郎平章事

十一月以左相苗晉卿爲中書侍郎平章事

十二月制曰尚書左僕射兼武部尚書平章事子儀才
光三傑功格十臣克焯皇威載昌大業可司徒兼尚書
左僕射司徒兼戶部尚書平章事光弼全德挺生英材
間出干城中海坐甲安邊可司空兼兵部尚書並同平
章事如故

乾元元年五月以太常少卿知禮儀事王興爲中書侍
郎平章事

二年三月甲午制曰出納絲綸是稱喉舌調和鼎鼐必
在鹽梅况艱難之際擇賢必資於選衆審勿之地論道
固期於得人兵部侍郎呂諲間氣挺生宏才迴發納言
敏行強識博聞謀猷出三傑之先德業處五人之上久
在朝列尤推審慎復得鈞璜之慶宜膺補袞之永可同
平章事

乙未又制曰出納帝命經綸王言兆若見於非熊位必
登於仲虺行御史大夫兼京兆尹李峴朝廷碩德宗室
蓋臣中書舍人兼禮部侍郎李揆文房學府命代挺生
行戶部侍郎兼御史中丞第五琦武庫智囊膺期間出
皆中和秀氣維嶽降靈可以宣暢謀猷闡弘體要庶得
道光風力名重伊臯俱當八夢之辰共舉從之之直既
用立汝宜其弼予現可行吏部尚書揆可中書侍郎琦
可戶部侍郎平章事

上元元年五月制曰宰輔之重陶鎔所寄用諧時望必
籍素名是以殷登左相伊尹成乎一德漢命舊臣孔光
由其再起蓋以上扶皇極下庇蒼旻永懷寅亮之美寔
屬股肱之任特進守太子太傅上柱國韓國公苗晉鄉
衣冠宿望廊廟公才體文雅之完量負經通之遠識累
踐臺閣久彰名器自艱難之際協贊有勞早契風雲之
期備陳康濟之術頃以疲疴固辭樞務重違誠懇之志
爰假優崇之秩雖訂謀暫間而夢寐無忘今戎事猶虞
蒸人未乂漢將且開於辭第留侯豈遂於停食成余社
稷之本懿爾勲庸之望固可勉行新紘載弭舊貂宜罷
輜車之禮俾膺黃閣之政可侍中

二年二月制曰彌予之遷審豈是天步未平廟謨尤功
必資明表佇以佐時畫一之材取則不遠正議大夫前
河中尹徐國公賜紫金魚袋肅華公輔成名承家繼業
詞慄麗則德蘊謨明道開雲物之先節貫嚴凝之序早
登臺閣多識舊章再修宮坊光知至行致君望美閣相
求能且推伊陟之賢更啓漢臣之閣還依日月佐理陰
陽俾參政於紫宸用建中皇皇極可中書侍郎平章事
集賢殿崇文館太學士兼修國史

四月制曰致君惟相輔德在和必俟三台之明用增九
鼎之重彛倫所屬元氣是調乃眷公才作予良弼銀青
光祿大夫尚書吏部侍郎裴遵慶休凝清粹理暢黃中學

奧全經詞深大雅行歸於簡節固其貞公輔之望攸先
古人之風非遠累階朝序久踐天臺凡所彌綸多為故
事咸有司在王猷是經庶引翼善之功克濟艱難之運
登榮璣闈參政兩京宜輟山公之啓以光說命之求可
行黃門侍郎平章事

元年建辰月戊申詔曰天位惟艱廟是切委在公輔謨
正于四方佇鼎寶之能調補衣章之有闕眷求勵翼式
允僉階朝議大夫行尚書戶部侍郎兼御史丞上柱國
許昌燕子賜紫金魚中袋允度支等使元在清明在躬
貞固幹事信必可使文而不華準繩朝端金玉王度不
有其善適觀厥成固是生靈之傑咸推宰輔之器執茲

大政叙以彛倫建中于人莫非相爾丹書神化參議兩
闈宜書一德之篇俾協贊賡歌之美可平章事兼集賢
殿崇文館太學士修國餘如故

代宗寶應二年正月制曰搆橫廈者審象於宏才經萬
邦者注意於良弼是非道符夢卜名冠箬裾何以允副
虛求式諧於時望銀青光祿大夫國子祭酒兼御史大
夫京兆尹剏度支充使勾當度支等使上柱國彭城縣
開國伯劉宴應期生德維嶽降賢文為君子之儒器蘊
通人之量學苞前典志於真方詞蔚古風義存於比興
自無京劇職捨均輸變而能通弘適時之務居難若易
多濟物之心頃者戎事方殷軍賦惟錯率皆倚辦每務

推誠冠難初以夷皇猷咨彌周王佐國必自於天官漢
代登咸亞台咸由於亞相宜應選用之舉用成亮采之
功可金紫光祿大夫吏部尚書平章事勳及度支等使
如故

廣德元年十二月以檢校吏部尚書兼宗正卿李峴為
黃門侍郎平章事

二年正月以前右散騎常侍王晉為黃門侍郎太常卿杜
鴻漸為兵部侍郎並平章事

大曆十二年四月制曰休國經務亮采惠疇以遂萬物
之宜以刑四方之理彌縫衮職金玉王度平景緯於台
階盜海濟於鼎鼐必先時俊允膺勞求朝議大夫守太

常卿無修國史賜紫金魚袋揚綰瞻學懿文崇德廣業
表徵用歲適務知章朝儀郎守尚書吏部侍郎集賢院
學士上柱國紫微金魚袋常袞志業貞諒理職廣深守
正居中確乎難奪頃以戎車未戢方事仍殷永言庶政
有重彛叙今將本俗刑教澄源振綱宣九德以阜成張
四維而翼贊洽乎僉論咨爾具瞻往副審身之誠懋緝
時雍之化綰可中書侍郎平章事集賢殿崇文館大學
士散官勳賜如故初綰為吏部侍郎典選公平以清貞
自守元載心跡忌之奏以為國子祭
酒代宗知之遷為太常卿元載儀使以觀其效載用既
伏誅乃拜之綰久績公輔之望及詔出朝相野資袞為
禮部侍郎集賢院學士載之得罪令袞
與劉晏李樞等鞠之獄竟載逐有是邦
德宗以大曆十四年五月癸亥即位閏月甲戌以新除

河南少尹崔祐甫為門下侍郎平章事崇玄館弘文館
大學士太清宮太微宮使時常袞獨當樞務祐甫為中
書舍人議求服與袞異同堅
諍不伏袞德奏貶祐甫為潮州刺史內議太重改授河
南少尹時郭子儀朱泚俱以功高為相密勿之議謨得
聞之而袞置二人之名及詔出子儀及泚表明其不真
有詔逐袞潮州刺史而以祐甫為相兩換其職

八月改中書侍郎集賢殿崇文館大學士修國史平章
事如故以道州司馬同正陽炎為門下侍郎平章事崇
玄館弘文館大學士太清太微宮使初炎為吏部侍郎
無史館修撰元載為相引炎親重之載敗炎貶道州司
馬德宗即位議用宰相崔祐甫薦炎有文學器用帝亦
自聞其名故特徵拜又此懷州刺史喬林為御史大夫
平章事京畿觀察使

建中二年二月以門下侍郎平章事楊炎為中書侍郎
平章事修國史以御史大夫京畿觀察使盧杞為門下
侍郎平章事

七月以前永平軍節度張鑑為中書侍郎平章事
三年十月以吏部侍郎關播為中書侍郎平章事
四年十月帝在奉天以戶部尚書無御史大夫荆襄江
西等道都元帥統軍長史蕭復為吏部尚書吏部侍郎
無御史中丞荆襄江西等道都元帥判官劉從一為刑
部侍郎京兆府戶曹參軍翰林院學士姜公輔為諫議
大夫並平章事

興元元年正月以吏部侍郎盧翰為兵部侍郎平章事

貞元元年七月以建南西川節度使張延賞為平章事
初駕幸奉天延賞諫謨供獻頗効忠力及志梁州倚劍
南蜀川為根本即拜延賞為中書侍郎同平章事至是
劉從一有疾乃徵延賞入輔大曆末吐蕃寇劍南李晟
伎以歸延賞定之晟深感焉晟既建大功以中書令鎮
鳳翔表稱宿故真延賞之至朝廷以其高功為之免延
賞相拜
左僕射

二年正月以吏部侍郎劉滋為左散騎常為給事中崔
造中書舍齊映各守本官平章事

三年正月以左僕射張延賞平章事延賞既與李晟有
隙因浙東西節度韓滉未朝滉嘗獎遇晟又知帝欲相
延賞而有阻乃因會燕說晟使釋憾遂同飲極歡且使

晟稱延賞於帝前於是復加同平章事是日又以兵部
侍郎柳渾平章事仍判門下省事又以前檢校禮部尚
書陝魏觀察使李泌為中書侍郎平章事

五年二月以大理卿董晉為門下侍郎御史中丞權判
戶部侍郎竇參為中書侍郎並平章事

八年四月以尚書左丞趙退翁兵部侍郎陸贄並為中
書侍郎平章事

九年五月以義成軍節度使賈耽為尚書右僕射尚書
右丞盧邁守本官並平章事

十二年十月以右諫議大夫崔損給事中趙宗儒並平
章事仍賜紫金魚袋

十四年七月以工部侍郎鄭餘慶爲中書侍郎平章事
十六年九月以太常卿齊抗爲中書侍郎平章事是十
九年三月以淮南節度使檢校尚書左僕射平章事杜
佑爲檢校司徒平章事太清宮使十一月以太常卿高
郢爲中書侍郎吏部侍郎鄭珣瑜爲門下侍郎並平章
事

順宗貞元二十一年正月丙申即位二月辛亥詔曰宰
相之職寅亮緝熙導陰陽之和贊天地之化裁成百揆
總領庶官非道契時中識通理本則何以敷暢皇極阜
安群黎朕以渺身嗣守丕業思立人紀以承天休其代
予言允屬良弼朝議郎守吏部郎中騎都尉賜緋魚袋

常執宜孝友忠肅自誠而明茂實本於宗師英華發於
事業久參內署動直靜專累踐中臺職修自舉克有公
望冠于群倫以予冲人龔默思道是用命爾納誨弼違
必能形四方之風成天下之務祗服乃職厥惟欽哉可
守尚書左丞平章事賜紫金魚袋初執誼爲翰林學士
東宮頃心附之叔文以款自廣
期黨密與交好至是遂特爲相

七月制曰輔弼股肱之臣所與共成天功左右邦理者
也朕承至尊之重居群后之上夙興寅畏不敢康寧思
所以統天人之和彰祖宗之烈以形四方之政以遂萬
物之宜敷求哲人以輔台德銀青光祿大夫守太常卿
充禮儀使上柱國鄭縣開國公杜黃裳弘深易簡賢博

厚之德朝議郎檢校左散騎常侍無左金吾衛大將軍
克左街使雲騎尉賜紫金魚袋袁滋冲茂精微體誠明
之性咸以器業閎茂服在大僚祇事先朝克荷休命識
達道奧文爲國經固可以刑儀具僚參締庶務寅亮天
下毗予一人罔不同心以輔乃辟黃裳下侍郎平章事
滋可中章侍郎平章事

憲宗永貞元年元月制曰有天下者曷嘗不選賢能與
納于輔弼用人厥辟以和群生所以叙彝倫平憲度建
用皇極底于雍熙者也朕祇若大訓圖舊人疇咨庶上
用佐予理朝議大夫守尚書左丞輕車都尉賜紫金魚
袋鄭餘慶全器茂學蹈中秉直易則可久和而不流嘗
踐禁闈亦茶衣職每王臣之節實彰君子之風服于大
僚克有休聞洎宗理會府紀綱群司率申舊章協于成
式固可以儀刑庶月寅亮天工可平章事

十二月制曰朝廷者天下之楨幹宰輔者王化之根源
朕夙寤晨興講求爲理之本思所以仰承宗廟之重俯
協億兆之心諧和陰陽茂育區宇以貞百度以叙九疇
佐予成功實賴良弼瞻之地公望攸歸朝請大夫守中
書舍人翰林學士上柱國賜紫金魚袋鄭綱秉仁迪哲
守約居易懿以文德擇乎中庸體元和之淑姿服大雅
之明訓累登班序休有令聞羽儀周行黼藻王度洎發
揮綸翰典職禁闈以溫文雅麗之才居獻納忠思之地

從容中節密勿盡規先朝任能委遇斯重恪恭夙夜縣
歷歲年誠節貫於屯夷茂勲參於顧託名書彙宗鼎心
若丹青朕祗膺睿圖誕受明命弘宣大典澤潤鴻猷保
乂于一人儀刑于萬國簡于朕志用選厥勞圖任舊人
以輔乃辟疇咨四嶽罔不僉同宜膺弼亮之任式懋彌
綸之績於戲為君之難在乎舉而下任為臣之患在乎
知而不言事舉其中政修其本永綏厥位乃時之休可
中書侍郎平章事無賢實殿大學士

元和二年正月制曰惟人代工與物施化裁成者元首
輔翼者股肱况國之號令本於內史政所關決審與黃
樞爰發四方用凝庶績必求同德資以弼予朝議即守

尚書戶部侍郎天水縣開國子賜緋魚袋武元衡挺生
偉才克振前緒蹈禮合樂謙厚子端和居暗室而不欺
處巖廊而益重文能合準吏必立程再司石室之圖遂
踐春筆之署故事可舉嘉猷日新委地征寔惟邦本
勤於小物弘以大綱一心不移於土茹衆務必歸於會
領鬱此時望稱為名臣朕祗奉鴻休懼於負荷居神明
之奧位當億兆之尊常恐明不燭幽慮不及遠一物未
獲萬在予書不云乎臣作朕股肱耳目是用命爾處茲
弼諧你其慎於將明勉於規誨心思袞闡無或從直哉
惟清副我明命可朝議大夫守門下侍郎平章事賜紫
金魚袋

憲宗為太子時知元衡進退
守正及用為宰相其禮信之

又制曰昔周宣王

思弘文武之道則以申甫代天宮漢宣帝思振祖宗之風則以邴魏執邦柄是以克紹前烈俱稱中興朕以漸身託于人上亦思所以續烈聖之緒致太諧之平懷柔回夷親附百姓將成莫大之業遂獲非常之才授茲鈞衡俾作舟楫銀青光祿大夫行中書舍人翰林學士上柱國李吉甫符彩外發清明內融體仁而溫抱義而峻識洞精願知皇王致理之源學該古今窮天人相與之際自擢於綸閣列在禁闈鼓三變之文潤色王度總五材之用參贊廟謨化俗思邁於成康致君願及於堯舜當注意之所向每罄心而畢陳深中不回獨立無懼經綸常見其道遠激切多至於涕零王綱以張蜀冠斯珍

左右密勿寔由嘉言降神而生輔為理調三元以序六氣遂勿性而熙帝猷是為中樞司我大本命爾俞往其惟最哉於戲宰輔之任安危所繫百辟為憲萬邦所瞻與其明察以為公不若嚴重而有志與其將順於甚美不若極救於纖違審涇渭以序人倫謹繩墨以示天下交泰之運其在斯乎敬聽朕言以賤乃職可守中書侍郎平章事

二年九月以山南東道節度使檢校尚書左僕射同平

章事燕國公于頔為守司空平章事

初頔專有漢南之地不奉詔旨壇

兵據南陽德宗為之盱食乃憲宗即位威肅四方頔是稍戒懼至是未朝故有是命因以裴昫度為節度日以戶部侍郎裴昫為中書侍郎平章事

初昫罷翰林學士憲宗知

均好直信任彌厚因李吉甫出鎮淮南遂以均為相

四年二月制曰皇王理本繫於輔弼內以熙庶績釐百工外以撫四夷式群后三五已降崇替申之朕祗何不圖思底于道夙夜惟厲延登俊賢若涉大川俾作舟楫朝散大夫守給事中上柱國李藩天鍾萃美氣稟情英任在言前行為人表縕經邦之誠度發明自誠見理道之本根鬱為公器學深旨奧文以忠貞大玉斯寶於東序未絃可薦於清廟廣則誰邑剛則有容處衆無溷其風標存儉常推其名節累登華署克質彌綸擢授左相專聞駁議永惟股肱之任翼亮是資必求其人豈良宮以黃樞選重僉曰宜之爰舉朝章式副公望於戲爾率

正邪固不懲惟匪躬貞誠可以事上惟秉鈞平施可以致和毗予一人允理三事懋乃悠績永孚于休可朝議大夫守門下侍郎平章事賜紫金魚袋
五年九月制曰夫宰樞之任上以代天工輔佐之宜下以立人極爰待忠正方膺股肱正議大夫守太常卿上柱國襄武縣開國賜紫金魚袋惟德輿器度端寔智識通敏學成師法文為國華素履常踐於貞方黃中允合於易簡自出入清列茂著嘉猷名利無屑於中懷風雨不易其常佳驥駮之贊常識於遠途鸞鳳之姿宜巢於阿閣期于致理推之至公寵以春卿掌我樞務輔天地之宜俾化及清寧尊陰陽之和使物靡疵癘予遠次弼

言無面從君可臣否事已心許用佇弘美式副虛懷可
守禮部尚書平章事散官勲封賜如故

六年正月制曰宰輔之重邦家所屬寄垣翰則外撫諸
侯望功服肱則入熙廣績迭居其任厥惟舊哉前惟南
節度副大使知節度使管內支度宮田觀察處置等使
金紫光祿大夫檢校兵部尚書兼中書侍郎同中書門
下平章事賜州大都督府長史上柱國趙國公食邑三
千戶李吉甫弘經遠之才研深之慮脫落細故洞閭中
懷文稽典謨學升堂室洎私戎密命言屢表於獨明參
於衮職道每彰於孤直責貢其誠節竭以公忠墜典載
張奭倫似序輔予不逮懷之豈忘曩以淮海大都吳楚

雄鎮歲屬難食人多愁聲是假全才用康疲俗下流乎
水利不憚乎勞心故蠹以長塘潛其天澤變鳥鹵為稻
梁之場致蒸黎有衣食之源吏守成規人無遺志庶富
之教既宣於封內輔相之宜俾及於天下顧茲重務屬
良臣去其外職之繁專以中樞之任至於別館良吏之
彙敷內殿集賢之清祕奚舉舊典式洽新恩無曠厥官
往踐乃位可中書侍郎平章事兼集賢殿大學士監修
國史

十二月制曰重邴者允屬于長材熙大猷者固資於端
士朕纘承鴻緒撫有萬方風夜祇勤懼遠於道故每注
意宰輔勞懷夢想誠以得失之效家邦所繫疇若僉論

簡子深衷必惟其人。是舉成命。朝議郎守尚書戶部侍郎。駙騎尉。賜紫金魚袋。李絳。質秀。珪玉。文舍采章。抱器挺生。居貞特立。有史魚秉直之操。勵山甫匪懈之誠。忠孝兩全。學識兼茂。清標可以範雅俗。正氣可以肅群倫。頃自同行。俾參密命。勲必以義。知無不為。審審衆經濟之心。孜孜陳遠大之畧。言無隱避。名則靜專。貫于初終。其遠一致。地鄉之貳。爰委典司。理財先示於簡。庶利物每懲於聚斂。經通立制。器用彌光。臺閣之間。懌有公望。是宜權衡百度。宰理庶克。副具瞻掌。我樞務。予戲予歆。驅人俗以躋富壽。感人心而致和平。爾尚修明憲章。宣布澤德。必廣大其志。無皦察為公。任之以職。其志陳平之言。苟便於人。勿憚蕭何之請。敬茲寵擢。其懋我哉。可。朝議大夫守中書侍郎平章事。

八年二月。制曰。邦國興理。將相是咨。選衆而舉。思賢俾乂。故有台臣外撫。宣力以靖於四方。衆職迭居。懋功復凝於疾績。允茲崇踐。爰屬上才。前劔南西川節度副大。使知節度事。管内支度宮田觀察處置統押近界諸蠻。及西川八國雲南按撫等使。銀青光祿大夫檢校吏部尚書兼門下侍郎同中書門下平章事。成都尹上柱國。臨淮郡開國公。食邑二千戶。武元衡。粹厚端莊。簡易常一。有誠明之道。以致用有宏茂之畧。以佐時宜。方自得於微術。操尚不憇於風雨。加以懿文合雅。聚學成師。通

禮樂刑政之源達古今公變之要歷登華貫休問穡然
洎處鈞衡中立不倚致君思堯舜之盛修職以邴魏為
宗翼載之勤夙夜彌亮藝倫依叙鼎鼐載和益部大藩
比仗兼濟而能布宣威惠撫茲蠻髦縣道輯寧疫黎安
息惟心而士皆率附正己而人自嚮方臨之累年理異
等朕以出納王命緝熙帝圖總庶官之職崇為百度之
局鍵惟此重任屬于黃扉分憂遂輟於殿邦具瞻再歸
於碩望爾尚行之以忠正煦之以和平毗予一人膏潤
天下祇服禮命無替令猷可守門下侍郎平章事兼崇
玄館大學士充太清宮使

九年六月制曰虞以為盛猷咨五臣殷之周興亦賴三

后朕勵精恭己十載于茲常以國鈞委之公輔務熙庶
緝取怠方求思欵左右有人在廣股肱之任歷選到辟
洎于草澤冀獲能賢俾弘正道今茲所命允屬至懷河
中晉絳慈隰等州節度度之宮田觀察處置等使正議
大夫檢校禮部尚書兼河中尹御史大夫上柱國高平
縣開國子食邑五百戶賜紫金魚袋張弘靖德稟精微
器含冲用温恭諒寔明允克誠素推君子之風雅有大
臣之體蘊積稽古之學發揮經緯之文嘗司朕言動協
訓謨歷踐清貫且揚淑聲爰統方州載膺節制奉法遵
道勤公忘私人無不懷績用丕茂予欲正百工之理開
太平之階若臨巨川以重舟楫是用命爾參列中台每

念臣鄰之規以貞棟崇之古少翁積慶嗣德漢庭文子
勤身繼主晉室爾惟朝夕納誨以翊朕躬是資衮職之
勤式重緇衣之美仍帥司寇之屬俾靖臯陶之刑懋宣
厥繇往踐于位可守刑部尚書平章事散官勳封如故
又制曰彌成大化參叙彝倫克光元首之明斯其股肱
之任所以不自暇逸務求賢能式重舟楫之才以弘經
濟之道疇若予采僉諧乃公中大夫守尚書左丞上輕
車都尉賜紫金魚袋常貫之清明在躬禮樂之器蘊珪
璋特達之德茂庶正博雅之規靜而知微動必有守凡
踐列位備聞故敵當官而行臨事能斷道可正於風俗
望彌積於朝倫是宜和靜陰陽紀綱邦國命作心膂列
於台階夫能慮四方揆百事愛利萬物辨倫郡材公以
忘私時乃之職而况圖靜服繫在廟謨爾惟頒下以訓
人奉上以宣力因衆功而致用熙衆志以爲心朝夕獻
可否之誠經綸底文武之績祇膺厥服勿懈于時可守
尚書左丞平章事散官勳賜如故

十一年六月制曰輔相之任作予股肱經濟之才難汪
人耳目苟非慮研物表識洞事先則可以出納中樞平
章大政詢于時論僉曰次諧朝議郎守御史中丞兼尚
書刑部侍郎飛騎尉賜紫金魚袋裴度勁正循道清明
秉彝文融菁華行茂枝葉居然廊廟之器出於領袖之
門西掖司言南臺執憲常陳明略屢告嘉猷寔宣力以

循公能外身而憂國霜雲無改風雷有常朕故旋觀能
明試於事俾歷戎閫載馳使軒王澤浹汗以遐宣軍情
密勿而上達將議抽擢因罹震驚崇道德之藩籬士有
致命資忠信之甲冑兵無容又人具爾瞻天方資予昆
命于龜爰立作相爾相展四體堅一心廣其道以用賢
厚其風而易俗五兵未戢爾惟保定武功百姓未康爾
惟勤郵人隱臨事必斷當官而行齊台階以至平補袞
職之有闕光膺慎選其戒之哉可朝請大夫守中書侍
郎平章事度知制誥時田弘正初以魏博順命度宣慰
弘正軍中及見境內百姓布楊德上下感曰
還奏稍旨度節辨能言軍國情體通達物情尤尚感激
由是將帥多悅自淮西行營還帝益聽信猶以元衡輩
在尚未周度元衡遇害使以大言制度度初以蒼野二
十餘日詔以衛兵宿度弟中中使曰至未拜相先一日

使召度不用到先改參假使未延英侯對及見念問周
悉明日以詔使受制命時外集天下兵而內有大怨及
度任政人情始繫以安危

十一年二月制曰朕觀古先哲王興化致理未嘗不選

達良弼熙寧庶工俾之敷陳大猷左右乃辟者也朝議
守中書舍人權知禮部貢舉輕車都尉賜緋魚袋李逢
吉疏通而守於經制質厚而附以文華貞常自居和易
待物體賢人之志業茂端士之風規履歷班行發揮事
任厥心匪懈所至有聲日彌紛闔駁正瓌闔且司言
於右掖當納訓於東儲誠明貫一聞望旁洽俾司貢士
亦著嘉聞方今外興不得已之師內有不獲安之俗常
忘食於將旰每求衣於未明冀清源野之誅用止干戈

之役登爾輔弼代予憂勤爾宜敷至化於吾人告嘉猷
於厥后鈞弭氛穰導迎和平事有不舉其中政或未孚
於下爾惟啓沃無乃面從可朝議大夫守門下侍郎平
章事賜紫金魚袋時逢吉知禮部貢舉既策試未榜弟
其名而有是命禮部尚書王播署而
出之

是年十二月制曰上宰參職所以立三台之耀中樞議
政在手遂萬之宜朕獲承鴻休思建皇極冀沃心而納
誨常注意以求賢通議大夫尚書工部侍郎知制誥翰
學士上柱國清源縣開國男食邑三百戶賜紫金魚袋
王涯動直靜專踐方居易挺歲寒之勁質抱風夜之端
誠言守中慮每經遠屬者禁垣揮翰五百日宣選部持

衡九流動風存居肘腋之地歷誠股肱之才進常伏於
青蒲出不洩其溫樹牟融得大臣之節毛玠有古人之
風詢廟筭以生知論兵鈐而暗合方今戎車上駕郊壘
猶多必俟清明以消氣滿是用付以機密陟于崇高爾
其發號令以靖其四方陳便宜以寬于百姓行臺閣之
故事弘朝廷之大體秉德以立狗公不回俾予一人出
拱而理敬聽成命懋哉戒哉可守中書侍郎平章事
十二年七月制曰成萬方之化通天下之志緝熙帝載
昭暢玄猷在於股肱之臣共疑理本旁求時彥以叙彞
倫朝散大夫守尚書戶部侍郎上護軍賜紫金魚袋崔
群粹密由道端莊保和本清明之上才體博厚之重德

學貫通儒之業詞含大雅之風居敬有常循性能斷自
承密命職參內廷高文渙發於綸言敏識詳達於國典
伏奏無撓直躬不回勤勞八年始終一致春闈取士必
後其浮華地官理財能制於輕重儉以約已忠惟事君
才適而用深望積而寔著風猷以洽于人聽倚屬方注
於朕心乃庸審象之誠必副具瞻之望况姦兇叛逆尚
駕戒居未明求衣思載于櫓爾宜酌古今之要舉刑政
之中艱歛位以代天工陳典謨以明皇極敬茲重命往
踐台階可守中書侍郎平章事十月制以淮南副大使
知節度事管内度支營田觀察處置等使銀青光祿大
夫檢校尚書右僕射兼揚州大都督府長史御史大夫

江夏縣開國侯李鄴爲門下侍郎同平章事

十三年三月詔曰致理之道王者猶盡其心弼成之功
輔臣所以宜力皇極是建蒼生乃安敷求寔難倚任斯
重將付大政必惟僉階正議大夫守御史大夫上柱國
成紀縣開國侯食邑一千戶賜紫金魚袋李夷簡本稱
通明惟本嚴重守以正直傳之文華羽儀朝端冠耀崇
籍早司邦憲爰總地征糾逖無間於避強經費克均其
定制中立不撓孤標出倫聳善激貪法行令肅自鎮漢
上洎臨蜀川檢德載彰清規一貫山嶽北厚雷風有常
勵貞俊以理心竭忠勞而奉上人望汲黯印歸趙克俾
之侍縟萬目皆舉固可以參續庶務允釐百工變和陰

陽宣發號令是申明命陟于台階於戲誠積爾躬夢協朕志虛已將求其弘濟鯁言周懼於弗違道必舉中位無苟曠膺此寵擢敬哉戒哉可守門下侍郎平章事十四年七月制曰贊天功而成光濟協帝力以致升平非中和稟氣不能符燮諧之道非誠明在躬何以膺弼亮位况今積妖已殄而邊鄙猶虞大化方行而里閭未泰時欲舉百度甄群材外經四莢內輯諸夏納之壽域被以仁風代予之勤其孰克任眷求斯得是用命之河陽三城懷州節度使朝議郎使持節懷州諸軍事守懷州刺史兼御史大夫賜紫金魚袋令狐楚根於粹厚著以端明表山立之莊容洞泉停之精識文高雄富學茂該通自頃揮翰掖垣持橐禁署常延造膝屢竭啓心發言必誠臨事無感藹是公望居然國禎及部符近郊兼暢牧人之術杖節分闕尤深馭衆之方謂器適中外效宣文武宜展舟楫之用式登鼎鼐之司管于中樞持我大柄於戲輔翼之任人臣極崇未至而衆議有歸既處而其名罕副萬務攸託朕何賴焉爾其敬聽此言深思其道行致君之志終始勿踰以報國爲其夙夜益勵無俾厥后有慙知臣可朝議大夫守中書侍郎平章事八月制宣武節度守司徒兼侍中韓弘可守司徒兼中書合以弘堅辭戎鎮故也

穆宗元和十五年正月即位是月制曰廊廟之任萬邦

所賡調一氣之和序五材之用出納王命發揮帝猷簡
求賢能弘我理本朝議郎守御史中丞飛騎尉襲徐國
公賜緋魚袋蕭倪識通化源道契休運有載君俊節之
志秉見義匪躬之誠代襲公台族高軒冕學冠古今之
要詞深雅誥之宗嘗事先職居宥密奏意無撓忠勞益
彰洎執憲南臺肅清朝序休望彌洽直聲日聞朕方臨
萬邦思致于理若涉大水浩無津涯將務簡以安人歆
息兵而論道宥像而授其代予勤爾其端志絕私去永
崇本叙禮樂於邦國正風教於人倫舉其鈞衡明示天
下無俾一德專美於殷爾其敬之奉我成命可朝散大
夫守中書侍郎平章事仍賜紫金魚袋

又制曰眷於良弼期有濟人必惟才臣乃克成務况端
絜剛毅可以肅具僚敏於周通可以熙庶績外無飾虛
禮中有效寔之誠簡于朕心乃命以位朝散大夫中書
舍人翰林學士武騎尉賜紫金魚袋段文昌門襲忠勲
器苟才傑廣而不雜峻而能溫修詞每掇其青筆所向
者風格發言必探於體要所貴者變通識古今理亂之
源知避近利病之本自掌文翰苑列籍金門出入五年
恭勤一致屬朕初承寶命屢進嘉猷諒我憂陽之懷竭
其公忠之志昨因召見更有咨詢造脉之言注意斯得
必能奉將明之大任申猷替於虛襟爰升鼎飪之司冀
展舟楫之用於戲萬務之始九有所贍將致治平可不

克勵爾其風夜旌慮弼輔朕躬使四夷咸賓百度惟理
阜俗必蘇於瘁察審官無鬱其賢能理當詳於機深道
當固於久大惟自誠可以化物惟先己可以律人勉哉
戒哉無忝我首命之重可守中書侍郎平章事

八月制曰大宰相者上調元化以亮天工下熙庶績以
副君德未有心不直而能協于道迹不正而能致其君
必求斯人乃命以位朝議郎守御史中丞武騎尉賜紫
金魚袋崔植氣志疑遠風標粹清率性而行潔已以進
周歷臺閣藹然聲猷頃者姦臣未降利權方擅情性刻
下其事將行而致獨能橫抗申以駁議朕每加重不忘
于懷自膺寶圖俾掌邦憲又能悉心秉執造膝敷陳歸

於無私多所弘益爰擢作相既能弼予於戲惟爾先太
傳當德宗始初清明首居相位克固直道至于今稱之
爾其嗣乃家法無廢朕命可朝散大夫守中書侍郎平
章事又制以中書侍郎平章事蕭俛爲門下侍郎平章
事

九月戊午制曰懷大忠者必成其茂勲建茂勲者必極
其高秩朕虔守鴻業靜思化源姑欲表忠節以勵爲臣
舉勲籍以勸立志况乎位崇上相遇重光朝首陳宏圖
躬率群師尅定妖孽坐清寰瀛得不再申袞崇昭示倚
注河東節度觀察處置等使金紫光祿大夫檢校尚書
右僕射兼門下侍郎同中書門下平章事太原尹北都

留守上柱國晉國公食邑二千戶裴度材庸運啓道協
功偕一心盡忠百志歸正雖量苞弘曠靡所不容而節
抱孤貞凜然難奪所以特承恩顧專委謀猷堅持其誠
獨立不懼在昔有晉厥功平具惟茂先決策於中惟元
凱整旅於外並能並用度實有之許國忘身勤亦至矣
自居重任出入六年及鎮太原聲績一貫朕永懷丕烈
乃睠舊臣將副深衷或加新命惟正三公之位在乎九
玉之司論道再光總戎益重毗我王室永李于心依可
守司空依前兼門下侍郎平章事

長慶元年二月制曰光朝正姦邪之罪刑海內之心既
承大勲付朕鴻業思欲述事繼志偃武修文揚其耿光
屬在髦傑朝散大夫守尚書戶部侍郎知制誥翰林學
士上柱國建安縣開國男杜元穎識稟人秀才爲國華
氣縝密以含章言清明而體要廉方不雜峻直無徒動
朗鑒而心運陽秋鼓雄詞而氣翰河嶽爰以精粹列于
內庭通賈生治亂言達管氏政刑之本未至高位蔚爲
名臣門者欬孽相挺紛亂南北朝夕機命迅如風霆而
翰動若飛神無滯用思職必盡其心力避榮常執其謙
光况度奉綴衣導揚訓命雜效忠貞之志寔有安定之
功本於忘身愛我以德感激無隱切靡盡規既納誨於
三篇亦陳戒於六事朕常委以大政詢其遠猷研極必
精應變當理布舊章於河朔推大信於昆夷無所不諧

實由密贊全器焜耀淑聲流聞升於台階允是瞻望於
戲昔爾先正爲唐宰衡惟爾傳臧孫有後之慶秉邵公
是似之德宜慕舊服協於至公思貽厥之謀率攸行之
道梏制群動衡平衆流泯人不迷時乃之績乃守尚書
戶部侍郎平章事散官勲並如故

十月制曰昔蕭何用新造之漢而能調發子弟完補敗
亡使關東糧餽不絕者以其盡得秦之圖籍而用知其
衆寡也我國家承十一聖之區寓億兆人之生齒而曰
不能足食足兵朕甚惜焉則非調陰陽撫夷夏者不得
參邦國欲侵泉貨之任而主會計校盈虛者不得參邦
國之動乎予將兼之允在能者諸道監賦轉運等使太

中大夫守刑部尚書騎都尉太原縣開國男賜紫金魚
袋王播在德宗時以對認入任踐更臺開由御史中丞
尹京兆掌縣官鹽鐵爲春曹尚書乃長已時以控蠻蠻
盡稱厥職達于予聞洎詔徵還便殿與語得所未得聞
吾未聞昭然發家幾至前席重委操剡銚日益精國有
羨財而人加賦東師在野物力蕭然不有主張孰能戢
濟是用命爾作相仍以舊務嬰之爾其西備戎羗東定
燕翼內實九府外豐萬人百度群倫罔不在爾於戲典
謨訓誥行之其存邪正是非知之孔易予惟以不敢不
明茲用謨爲股肱耳目又安能一一戒誨重之空言爾
其自勵于爾心無令觀聽者論爾於鄉校可守中書侍

即平章事依舊充鹽鐵轉運等使

二年二月制曰朕聞御大器者登俊賢以爲輔弼敷大
化者擢公忠以施政教故能成天下之務達天下之情
俾三光宣明百度貞正我之倚注方得其人天實賴予
允副僉望尚書工部侍郎元瑄珪璋茂器鸞鳳貞姿文
涵六藝之學微探百氏之奧剛而有斷忠不迨名勁氣
嘗勵於風霜敏識頗知於今古自恪居朝序休聞再揚
不自飾以取容可苟安而回慮處置忘屈在屯若夷卓
然懷陶鑄之心豁而見江湖之量簡者司文禁署主朕
樞機每因事以立言累披誠而獻計心惟體國義乃忘
身深陳濟物之方雅見經邦之志朕思弘理本用洽生

靈式資康濟之材以暢和平之化於戲爾率于正則不
正者知惧爾進于善則不善者必悛惟直道可以事君
惟至公可以格物是茲數德毗予一人求孚于休以底
于道可平章事

又制曰陟大川者操巨艦不畏於洪波搆廣廈者揭雄
材乃安於諫宇朕底奉神器尊臨萬邦思弼諧輔相之
臣致易簡雍熙之業爰擇舊德委之樞衡冀弘嘉猷以
闡玄化淮南節度副大使知節度事管内官營田觀察
等使光祿大夫守司徒同中書門下平章事兼揚州大
都督府長史上柱國晉國公食邑三千戶裴度氣稟宏
廓材優康濟達識高議聖明不渝儀刑可以先嚴廊度

量有以方海嶽操握政柄弛張化權彛倫典謨若合符
契昔我先聖以武畧深計中樞密勿委之朝堂四海咸
理朕及席虛已勞懷宵旰禮命元老聞斯格言衷懷洞
然雲霧皆豁是用輟撫淮南舉之台袞換其戎律列自
黃扉職崇上公望積師長寄爾以周召待爾以蕭曹任
爾以堙埴授爾以均衡於戲祗席罇俎之內堂室戶牖
之間無俟窺臨可以觀察遺爾宴息期爾折衝庶乎陰
陽協和品物昭泰惟言是納爾舉必從使益稷臯陶爾
懋德無垂衣南面我獲任賢無易斯言式遵明命可守
司空兼門下侍郎平章事

度拜淮南未行有徐方之便
兼河北諸軍進退未一言事

者亦多上度出非宜及詔
下人望度越日定理

六月制曰朕聞大地洪爐致之者橐籥帝王大業成之
者股肱故堯舜垂衣禹湯恭己弘道任德爲予輔臣則
八表義寧萬邦咸理故伊尹之奉臯陶之升庶績其凝
不仁自遠正議大夫守兵部尚書輕車都尉賜紫金魚
袋李逢吉大方比量中正持心真玉無瑕堅金礪峻節
而高山是仰推誠而止水可觀剛柔所持吐茹無易往
以青宮蒞學道我典墳儀刑式孚蘭茝馨茂泊升台席
翊奉先朝訐謨審聞猷替潛達外順昭德中外至言溫
恭聿修終始一貫朕嗣守丕業思得賢良將侯和美期
於舊老苟之相漢后以南宮每詢嘉言啓沃惟久今授
之相印委以樞衡代天之工爾在專任於戲發號施令

選賢舉能伸於百辟之上行於四海之內朝無比黨人
絕澆浮白黑繁然淄繩不溷使巖廊重位揚我清風弘
宣大猷以暢王度可守門下侍郎平章事

三年三月以戶部侍郎牛僧儒平章事

敬宗長慶四年正月即位制曰理步務者必資經遠之
能總衆材者寔在選舊而任疇咨議與參詢廟庭果獲
誠臣副予虛位正議大夫尚書吏部侍郎上柱國渭源
縣開國男食邑三百戶賜紫金魚袋李程文含鍾律器
挺珪璋行已蹈常與物無吝早以詞翰密侍帷幄開弘
顧問發揮訓謨周旋臺閣閱歷中外秀造稱其得俊衡
鏡於無私卑牧難踰深藏不耀朕荷負重搆祇守大業

自顧寡昧動遵先規委成台司不操匠斲自居無悔之
地以馳至止之途而元輔勇於進類嘗思任人與其自
任不若用賢命之僉求以各列上而程爲舉首是必至
公爾且諛謹繩墨以示諸侯平好惡以待多士秉彛倫
以澄蹠統覈名以實鎮浮虛協睦乃際無替朕命爰因
銓品之鑒載停烹飪之功可平章事

又制曰昔周宣漢宣帝思弘祖業克紹先構用中甫邠
魏爲相然後周道重熙漢德累洽朕以冲渺託於億兆
之上緬維文祖玄宗之理若涉大水浩無津涯詢於巖
廊俾舉髦碩果得才傑副予虛求必惟其人乃命以位
朝議大夫守尚書戶部侍郎兼御史大夫判度支上柱

國賜紫金魚袋實易直端厚靜慤直方簡廉氣深而和
識敏而達每去華而務實爲吾以近名早以器能揚歷
中外司憲著紀綱之績廉俗重惻隱之仁輟于天官掌
我邦計底慎財貨均節委輸賙給不窮瞻濟皆足國有
大柄屬於全材况朕親臨寶圖萬物資始審象而授其
代予言爾尚弼予一人用底于道且漢以承相調兵食
周以冢宰歲成我國家寔用古制以重其事也爾往欽
哉無忝我成命可平章事到度支

寶曆二年二月丁未制曰朕周觀帝王之道春秋富則
倚附舊老享歷久則簡擢俊髦故我玄宗開元之始任
宋璟姚元崇之輩以調陰陽東風之後乃用李元紘張

九齡之儔以承法度洎予恭守大位于今三年嚴廊藩
封建於左右前後皆皇祖聖父之人罔有易置况勲望
冠代器業絕倫副予揣運論贊此休運凡百有位敬而
聽之山南西道節度觀察處置等使光祿大夫守司空
同中書門下平章事兼興元尹上柱國晉國公裴度以
忘抵患協于憲宗以匪躬不撓佐于先帝十拜相詔四
登師垣接士猶布衣之心忠時急亟闕之恩價乎內外
名殷手筆爲重籍足風猷俾參大柄且滿吾志亦用僉
聞於戲君臣合符不可多得千載一遇猶爲此肩爾宜
援古以自強垂後以居重文終之畫一平陽之并容諸
持衡之相如引車之意率彼四子足爲成人服茲昌

言往踐乃位可守司空平章事是月丙寅以中書侍郎
平章事李程攝中書令受冊止衛宣制

文宗寶歷二年十二月己巳即位庚戌制曰構大厦者
寔先梁棟之材濟巨川者必資舟楫之用朕越自藩邸
膺歎大統肅夜震兢若蹈泉谷况齊毗思又艱步甫寧
上奉山陵七月之期內佇訃謨庶政之始俾我渺末寔
之極樞掎振興運之功以協具瞻之望博閱名實獲茲
忠賢寔帝賚予其誰與讓正議大夫行尚書兵部侍郎
知制誥充翰林學士上柱國賜紫金袋常處厚體道
爲徒見義能勇居易以行古之和而不流水霜挺松栢
之質貞白秉珪璋之德文揮風雅學該儒玄器洽而保

之以謙識明而用之以悔選自經藝侍于穆宗擢司空
命寔贊先帝一彼直操彰其遠猷臨危勵難奪之誠推
忠備弘益之道屬有變生宮掖謀侯經論首參底定之
功載竭忠貞之效雪憤橫涕披肝貢詞約我以禹湯罪
己之勤傳我以古人致理之要聽必感動悉其條陳洪
纖靡差夢卜斯協必能式是中外啓茲雍熙俾予冲人
克遂垂拱是用擢升鼎鉉式亮帝圖庶無媿於知人且
用光于斯道於戲先哲有言良臣惟聖主處殷憂舉衆
之仕荷濟理沃心之期注四方頃聽之勤在百辟具瞻
之任可中書侍郎同中書門下平章事

太和元年六月癸巳以淮南節度副大使王播爲尚書

左僕射同中書門下平章事

冊府元龜卷之七十三

冊府元龜卷之七十四

帝王部

命相第四

唐文宗太和二年十二月制曰綏績萬邦寔資乎元首
弼成庶績允屬於股肱將以尊宣化源崇因理本立我
皇極贊于時邕故任賢著於禹謀納誨彰於說命眷求
懿德斯惟命諧中散大夫守尚書兵部侍郎知制誥克
翰林李士上輕車都尉賜紫金魚袋路隨性稟中庸氣
含大雅身無擇行孝不為人敏識周通宏才恢博挺然
仁者之勇蔚為君子之儒祇輕穆宗侍經內殿敷堯舜
之大典暢周孔之遺風雅言玉音奧義永釋潤色王度

發揮聖聰出入禁闈踐歷華貫位彌高而惟謹任愈重
而滋恭建及先朝復參密命雍容侍從早以賦於井泉
左右便蕃未嘗言及溫樹周旋九載終始一心直道匪
多讜言盈耳每訪謨猷之指用陳裨益之誠出不忘於
詭辭退必聞於削彙器可經國忠能致君跡其公正之
方用升毗倚之任於戲干戈未息爾其弘智用以靜寇
攘後戍尚勤爾其宣柔服以懷戎狄均因賦以阜安百
姓振朝綱以綜覈群才退無後言動必慮善貞爾百度
彌予一人寵以俊階委之極務徃踐厥位時乃之休可
正議大夫守中書侍郎平章事

四年正月詔曰昔漢宣帝用魏邴以盛中興之業我玄
宗任姚宋以致開元之理其術無他得賢而已朕猥居
大寶首陟五年宵旰靡遑憂勤至切將倚任於國柄宜
登進於人傑俾其復運樞極載清化源斷是朕懷允膺
僉屬武昌軍節度鄂岳蘄安黃申等州觀察處置等使
金紫光祿大夫檢校吏部尚書同中書門下平章事使
持節鄂州諸君事鄂州刺史上柱國奇章郡開國公牛
僧儒氣含元精體苞大雅識用夷容禁靈沉窮聖賢
蘊奧之學鋪邦國經緯之文蔚為名臣首出群萃長慶
御曆登賢濟人廊廟有光臣工得之代天協理時乃之
休先朝與能罷出征鎮毗俗丕變師旅太和宣力事君
時乃之績朕飽聞器業虛好風儀會曹參之足裝喜韓

侯之來覲便殿近對前席與言通古今理亂之源知教化損益之務其慮知響不知所然是宜卿長夏官平章大政康濟四海毗予一人於戲君不能自為堯舜必待其臣以致之臣不能自為伊臯必待其君而任之致則期於盡力任固在於聳善然後上下交泰君臣相須爾其使百官得其人萬事得其予邪正之路必判清濁之流必分金堅一心柅制群類無重否德予皆仰成可兵部尚書平章事

七月制曰出納大命宰司化源調四氣以統和天人貞百度以鎮安夷夏必須髦傑用安鈞衡朕嗣守丕圖思弘至理萬務之重屬于台臣又席勤求冀禔不迨况素

效久彰於密勿精才已得於詢謨擢自內庭授以袞職爰立左右斯為得人朝議守節尚書右丞上柱國賜紫金魚袋米申錫岳降全德天資正性處約居厚蹈中秉彝文每掇其菁華季必探其玄頤風播休問技乎群倫自選於周行參我內署奉職恭肅率心坦夷蘊冲用以究國經鋪訓詞以潤王度密贊彌久弘益滋久朕累因暇日召於別殿訪以大政觀其立誠而膏襟洞肝膈無隱識精詞直寔契虛求固可以掖持化權參決理本是用升於鼎鉉付以樞機由仙閣總轄之司當宰輔具詹之地熙此庶績彌予一人於戲元首以司牧萬方股肱以協贊皇極上推公以馭下臣竭忠以戴君際會交感

而臻大化歷視前古何莫由斯予方率是道以臨兆人
爾宜悉乃心以成一德敬戒厥位求孚于休可正議大
夫行尚書右丞平章事

七年二月制曰弼亮鈞衡宣翼統紀明景化以凝庶績
啓嘉謀以建大中爰求國模以輔台德錄青光祿大夫
兵部尚書上柱國贊皇縣開國伯食邑七百戶李德裕
元精孕靈和氣毓德堅直成性清明保躬貞規詹夷敏
識中遠學綜九流之奧文師六義之宗令聞夙彰僉諧
允屬自提綱栢署掌誥禁闈釐紀律詳平之司竭訐謨
密勿之節洎察廉浙右總鎮滑臺再委旌旄緝安邛蜀
克有殊政咸懷去思諒惟全才茂此聲績朕以疇膺之

典藝訓所先入遷司馬之崇彌積濟川之望是宜納誨
朝夕擢居股肱勉弘伊呂之勲以嗣常平之美榮傳相
印門襲戎旃紹綵綸內職營繼鼎鼐中樞之重珪紱之
盛恩輝罕儔爾宜整乃忠貞副我毗倚無忝承命服茲
寵光可本官平章事

七月制曰居端撥之任再踐國鈞稽堯擢之功兼司邦
計爰崇舊德以緝新規簡自朕心用允僉屬金紫光祿
大夫守常書右僕射克諸道監鐵轉運等使上柱國代
群開國公食邑二千戶王涯元精降靈體道秉哲恬智
成性清貞保躬文行以經邦風操可以鎮俗以明用晦
處貴茲恭憲宗以禁署竭忠擢登輔弼先帝以台階宿

望寵授旌旃陰陽燮調藩服寧謐機務允理政經交修
洎絲銓九流式序百禮提旄紀律統明貨泉法必使人
事先體國聲績茂暢洽於郡謚朕以邊鄙防微猶存兵
戍資儲之備供億向繁頃者支費轉倫任分兩使量入
制用成患多門俾足食以豐財在省員而簡務是用念
此二柄委于元僚正茲通變之初籍我股肱之重勉思
率職無或憚煩敬戒乃心欽承休命可官平章事支及
謂道益鐵轉運等使本

八年九月壬戌詔追興元節度使李宗憫赴闕十月庚
寅詔曰職代天工望歸人傑必資求舊允副僉諧南西
道節度官內觀察處置等使兼興元尹銀青光祿大夫

檢校禮部尚書同中書門下平章事上柱國襄武縣開
國侯食邑一千戶李宗閔嚴廊正人宗室全德才惟不
馳道實生知粹茂體陰陽之和周旋禮樂之用外弘疎
卽中實成明白璧凝溫朱絲秉直文窮三變學洞九流
早以忠規契予審像雅有玄畧能宣大猷底寧戎蠻協
贊郊祀見可而進知難靡回啓心常罄其嘉謨造膝必
聞法語行父事君志存於嫉惡舉陶承弼道遠於不仁
康濟而金杞有論燮調而玉燭無爽謬謬勵大臣之節
端莊清至化之源修明典章煩選方嶽敷我利澤臻于
治平自出鎮漢中既周星律巴俗雖歌乎來暮國人頌
諫於去思遂用徵還蓋從公望及延召宣益加前疇是

宜在涉中樞真修衮職咨爾良輔其室聽朕言夫天地
交泰則時和君臣訢合則國治眷求一德出納萬機勉
弘如水之心式副濟川之用命官罔及於私朕詔爵必
俟於賢能俾庶績推疑彞倫攸叙無忝註意敬之戒之
可守中書侍郎平章事

九年四月詔曰寅亮皇猷丹青景化爰從選衆之舉乃
得非常之材前浙西道都團練觀察處置等使朝議大
夫檢校禮部尚書持節潤州諸軍事兼潤州刺史御史
大夫上柱國姑臧縣開國男食邑三百戶賜紫金魚袋
賈餗識達韻孤學深行直真和自立介特不群能操至
公每契中道聲遠群聽善諧朕心自尹京師尤彰望寔

亟召便殿屢陳嘉謀罄肝膈以納忠規推誠明而無外
飾察言考事深用之迄命列藩益聞僉論固可以參我
大政陟予中樞天啓予懷賚此良弼爾其守法制平鈞
貞王度以國經荒百工以凝庶績舉直錯枉當官而行
於戲爲君之戒在知賢而不任爲臣之患在保位而不
言罔或依違虧吾則哲可守中書事侍郎平章事
七月詔曰佳昔太宗聰明叡聖克致治平惟魏徵左右
文祖叶建皇極矧朕寡薄思紹丕緒旁求魏徵之比冀
諸巖廊庶裨不逮用底于道御史大夫李固言生子少
東瑞此王國爰在下位田揚直聲介然無朋中立不惧
文經邦俗行表人倫和嶠負棟梁之用材幸毗有顛骨

之操便蕃莘貫光啓僉圖日者徵自近郊延於便殿言多方格道不容回嘉謀有倫正色無撓朱紘暢踰之顏美玉呈時達之姿洎長憲臺彌彰休問固可以斟酌理本燮調化源疇同夢卜斯協命爾予翼倚爲股肱登于黃樞參我大政爾當一乃志心罄其忠貞澄清品流旌別淑慝俾回夷左衽咸率吾教侯伯卿士各稱厥官罔曰難理惟其至公罔曰弗能惟其悉力欽哉成式無忝前良可門下侍郎平章事

九月以刑部侍郎舒元與本官平章事以兵部郎中知制誥翰林學士李訓爲禮部侍郎平章事

十一月詔曰朕嗣守丕圖務弘至理憂勤是功宵旰靡

遑所以庶政萬機悉委丞相乃者失於任使沃使冷處生方思政人參我大柄銀青光祿大夫守尚書右僕射上柱國榮陽縣開國公食邑二千戶鄭覃天資直氣嶽降上才性惟端莊道本孤峻文含風雅學專儒玄通古今理亂之源達教化損益之要歷踐華貫周旋大僚休問彰于措紳故事播於臺閣載居講席密勿內庭冒襟洞開肝膈無隱嘗奏謹議發下有光見之明每勵貞規勇退守持立之節洎擢膺撥務總領庶官堅操不回墜典咸舉盡瘁憂竭忠戴君必能毗予一人康濟四海邦正之路既別清燭之流自分於戲秉茲鈞衡委乃髦碩爾其使萬事得其序百官得其人用賢罔不精立法罔

不慎弼亮刑政燹和陰陽其聽朕言往踐厥位克紹先德巖廊有光可本官平章事

爲帝言之

又詔曰朕嗣位君臨精求至道日慎百一日

初章爲翰林侍講學士每入見必以厚風俗出朋比再三

于今十年期輔佐之臣爲我致理中立匪懈知無不爲今得其人果副僉屬朝議郎守尚書戶部侍郎判度支上柱國賜紫金魚袋李石操履賢貞志業弘茂性合道要識通化源累佐藩方備聞勲績用夕司拜之任旋知尹正之榮委財征備宣成效是宜擢膺輔弼俾勵政能爾當勤成務之規率致君之道內貞百度外靖四方參毗萬機課程庶績盡匪懈之節竭宣力之能大振朝綱兼司國計致億兆之庶富成方夏之義安副予知臣

勉茂林烈可守本官平章事仍依前判度支

開成二年四月詔曰王者任賢能所以緝熙庶績舉正直期乎猷可弼遠苟非懋茲四德何以光膺大任翰林學士將侍郎守尚書工部侍郎知制誥兼皇太子侍讀上騎都尉賜紫金魚袋陳夷行元精降靈厚載儲祉聚蓄英粹作時休祥懷道清貞執德謙茂行高嵩華弘苞容之偉量明洞水鏡誦妍蚩於默識貞已茲繫遇物能容雖壙岸孤峻而襟抱夷曠孝友爲修己之具文學識閎身之餘衆推全方時號端士頃郎署雅有名利是用擢居禁密俾輔導元良論辨見賢人之業教論得名臣之本星瑄屢改才術彌彰右稱旁求於夢卜曷若選之

於言行是用付以政柄登于台階任茲鈞衡之重處以
臯夔之秩人所注意予將仰成勉陳啓沃之術以副具
瞻之望可守本官平章事

三年正月詔曰運行帝載羽贊天工必自輔臣以宣至
化將益秉鈞之重是茲並命之求諸道益鐵轉運等使
正議大夫守戶部尚書上柱國弘農郡開國伯食邑七
百戶賜紫金魚袋楊嗣復動必居正言惟在公峻若孤
少清猶止水從政稟詩書之教承家建禮樂之源朝議
郎守尚書戶部侍郎判戶部事上柱國賜紫金魚袋李
玘質本溫明才惟俊茂智能周物弘不能容非守和
有君子之儒可大見賢人之業咸挺爲國傑秀稟元精生

必爲特寶稱布代便蕃清絕操履有常調黃鍾而協諧
和朱絃而踈越或總戎重鎮或敷惠字人卒未有輯時
之功博藝著昭蘇之詠洎入司邦賦受掌版圖事未稱
才公望猶鬱是可以宰領樞務用弼予違叙彛倫而建
大中罄訏謀而調元氣義寧華夏保合神人宜申補袞
之規致我禹衣之理於戲孔明相罪時之國尚聞魚水
之詞夷吾相霸業之君猶致鴻翼之諭矧予祗荷丕構
雖未克前修造次之間而不忘遵道宵衣肝食一紀于
茲災沴尚生於早蝗黎元屢困於衣食中夜靜慮若涉
大川將求津涯俟再而濟爾謂是縻以拂吾心而不行
爾謂非縻以徇吾志而苟用開物成務俾義於得時來

賢審官寧我以多士則魚水鴻翼夫何足言勉副東求
無忝我休命嗣復可守本官平章事依前充諸道鹽鐵
轉運使珏可本官平章事依前判戶部

十二月詔曰緝熙政柄亮采皇猷弘道德而輔昌圖調
陰陽而平景緯我惟求人舊亦能與正位合階實資元
老河東節度觀察處置等使開府儀同三司守司徒兼
中書令大原尹北都番守上柱國晉國公食邑三千戶
實封三百戶裴度星辰稟秀山嶽炳靈文蔚米章量包
江海負經邦之遠畧懷討國之明誠研幾而識洞著翹
運籌而道光竹帛風雨一致儀四朝萬邦所瞻百辟爲
憲洎揚旌馮塞建飾龍山謹管籥而戎索烟清壯襟帶

而軍牙氣肅慮絕南牧聲雄北門懿茲殊庸予所嘉歎
是用專守衡軸俾清化源統和神人茂育區夏夫宰之
任作予股相朕外可以懷柔四夷內可以親附百姓大
可以贊亭毒阜生成小可以激貪廉正雅俗再有休躅
予不重言至於王立嚴廊風行號令端若植表爲時以
司南開予曾襟廣我視聽實賴人傑大茲天工爰罷塵
幢二舟操舟楫庶展乞言之禮豈惟論道之尊佇竭訃謨
無忝毗倚可守司徒兼中書令

武宗開成五年正月即位二月制曰朕丕承寶圖思臻
理古小大之政皆倚輔臣選衆攸難得人而授中大夫
守太常卿上柱國賜紫金魚袋崔鄴天資正性獻降懷

材慎揚震之四知邁臯陶之九德抱負直質秀發英華
動心蹈中言皆體要聚學每探於精熙馳騁九流摛文
若奏手笙簧抑揚三代鴻量難懿聲目高乃者入典訓
詞出司俊造能用周密靡混妍媸銓總以明允爲先廉
察以澄清爲重嘗踐其職頭有休光秩宗之選方登公
台之論彌鬱由是酌其望實付以鈞衡恢予之規模廣
予耳目於戲宰相之任弼諧是資予欲使六氣均調惟
爾贊予欲使萬方平義惟爾謨予欲使臣僚得職惟爾
諧予欲使邪正不亂惟爾翼予言罔慮於弗耳進無忘
於汰心正觀開元之法度具存房魏姚宋之規猷盡在
咨爾丞相舉而行之可守本官平章事又以戶部尚書

判度支崔洪守本官同平章事

九月以淮南節度檢校左僕射李德裕爲吏部尚書平
章事

會昌元年二月以淮南節度使檢校吏部尚書李紳爲
中書侍郎平章事

四年六月以淮南節度使檢校司空杜悰爲右僕射兼
門下侍郎平章事仍判度支克鹽鐵轉運等使

八月以兵部侍郎翰林學士丞旨崔鉉爲中書侍郎平
章事

五年三月以御史中丞兼兵部侍郎李回守本官平章
事

五月以戶部侍郎崔元戎平章事是歲李讓夷平章事
又以兵部尚書鄭肅本官平章事

本紀檢拜
相月不獲

宣宗以會昌六年三月即位四月以兵部侍郎翰林學
士承旨田敏中守本官平章事

五月以劍南東川節度事檢校禮部尚書盧商爲兵部
侍郎平章事

六月以戶部侍郎諸道鹽鐵轉運使馬植守本官平章
事

大中元年七月以戶部侍郎翰林學士承旨常琮守本
官平章事

二年三月以禮部尚書諸道鹽鐵使馬植兵部侍郎判

度支周墀並守本官平章事

十一月以戶部侍郎判度支崔龜從守本官平章事

三年四月以御史大夫崔鉉爲中書侍郎兵部侍郎判

戶部事魏扶守本官並平章事

四年十一月以戶部侍郎本司事令狐綯爲兵部侍郎
平章事

五年五月以戶部侍郎判本司事魏謩守本官平章事

六年四月以禮部尚書諸道鹽鐵轉運等使裴休守本

官平章事

七年四月以御史大夫鄭郎爲中書侍郎平章事

十一年正月以工部尚書崔慎田爲中書侍郎平章事

六月以兵部侍郎判度支蕭鄴守本官平章事

十二年正月以戶部侍郎判度支劉瑒守本官平章事

五月以兵部侍郎諸道監鐵轉運等使夏侯孜守本官平章事

十三年四月以翰林學士承旨兵部侍郎蔣伸守本官平章事

懿宗咸通元年二月以河中節度使杜審權爲兵部侍郎判度支柔守本官平章事以右僕射諸道監鐵轉運等使杜悰平章事

年九月以前兵部侍郎判度支畢誠爲工部尚書平章事

年三月以兵部侍郎判度支楊牧守本官平章事

十一月以兵部侍郎判度支曹確守本官平章事又以兵部侍郎高瓊守本官平章事

五年十一月以兵部侍郎蕭寘守本官平章事

六年二月以御史中丞徐商爲兵部侍郎平章事

七年十一月以翰林學士承旨戶部侍郎路巖爲兵部侍郎平章事

八年三月以兵部侍郎于悰守本官平章事

十年正月以翰林學士戶部侍郎劉瞻守本官平章事

十年正月以翰林學士承旨兵部侍郎附馬都尉常保

衡守本官平章事

十一月以禮部尚書王鐸守本官平章事

十三年正月以兵部侍郎判度支劉鄴守本官平章事

二月以御史中丞趙隱為部侍郎平章事

十四年四月以吏侍郎蕭倣為兵部侍郎平章事

僖宗乾符元年四月以兵部侍郎諸道鹽鐵轉運等使

崔彥昭守本官平章事

五月以吏部侍郎鄭畋為兵部侍郎翰林學士戶部侍

郎盧攜守本官平章事

二年十一月以左僕射王鐸兼門下侍郎平章事

三年二月太常卿李蔚守本官平章事

五年九月以吏部尚書鄭從讜守本官平章事

六年四月以吏部侍郎崔沆為兵部侍郎戶部侍郎翰

林學士盧瑑守本官平章事

十二月以太子賓客分司盧攜為兵部尚書平章事

廣明元年十二月以戶部侍郎翰學士王徽裴徹並守

本官平章事

中和元年正月車駕在興元以翰林學士承旨尚書戶部侍

郎蕭濤為兵部侍郎平章事

三月車駕在城都以鳳翔節度使鄭畋為司空兼門下侍郎

平章事

三月以兵部侍郎判度支韋昭度守本官平章事

四年四月兵部侍郎判度支鄭昌圖守本官平章事

光啓二年三月以翰林學士承旨工部尚書杜讓爲刑部尚書御史大夫孔緯爲兵部侍郎並平章事

三年正月車駕在興元以兵部侍郎諸道租庸使張濬守本

官平章事

昭宗龍紀元年正月以翰林學士承旨兵部侍郎劉崇

望守本官平章事

大順元年十一月以翰林學士承旨兵部侍郎崔昭緯

守本官御史中丞徐彥若爲戶部侍郎並平章事

二年十二月以戶部尚書鄭延昌爲中書侍郎平章事

判度支

景福二年十一月以新除鳳翔節度使徐彥若復知政

事戶部侍郎判戶部事王搏守本官平章事

乾寧元年十月以翰林學士承旨禮部尚書李璣爲中

書侍郎平章事

宣制之曰兵部郎中知制誥劉崇魯出班而泣言璣奸邪黨附內省不可居輔

弼之地由是制命止

是月以御史中丞崔裔爲兵部侍郎平章事

二年六月以太子賓客孔緯爲吏部尚書桑加守司空

門下侍郎平章事緯時在華州屬太原李克用軍至而

止以湖南節度使王搏爲中書侍郎平章事

三年七月翰林學士承旨尚書左丞陸扆爲戶部侍郎

平章事

八月新除鎮東軍節度使王搏復知政事以京兆尹孫

僉爲兵部侍郎平章事

四年二月以右散騎常侍鄭棨爲禮部侍郎平章事

五月以國子毛詩博士朱朴爲右諫議大夫平章事

光化元年正月車駕在華州以兵侍郎崔遠爲戶部侍郎平

章事

二年正月以兵部尚書陸扆爲中書侍郎平章事

三年九月以刑部尚書裴贇爲中書侍郎兼刑部尚書

以吏部侍郎裴樞爲中書侍郎並平章事

天復二年十二月以吏部尚書獨孤損爲兵部侍郎平章

事

二年正月車駕自鳳翔還京工部尚書崔裔率百官迎

謁即日降制以裔爲守司徒兼門下侍郎平章事

二月以新除廣南節度使裴樞爲門下侍郎兼吏部尚

書以戶部侍郎王搏守本官並平章事

十二月以禮部尚書獨孤損爲中書侍郎平章事

天祐元年正月翰林學士左拾遺柳璨爲右諫議大夫

以兵部尚書崔遠爲中書侍郎並平章事

哀帝即位踰年不改元仍號天祐二年二月以吏部侍

郎張文蔚尚書左丞楊涉並爲中書侍郎平章事

後唐莊宗同光元年四月即位於衛是月以行臺左丞

相豆盧革爲門下侍郎平章事太清宮使以行臺左丞

相盧程爲中書侍郎平章事監修國史

時帝將行冊禮
東來輔相詢於

盧質對曰若以本朝士旌取人則無踰定州節度判官
盧革河東觀察判官盧程帝因詔定行臺為左右丞
相至是改為
行臺之命

十一月以尚書左丞相趙光裔為中書侍郎以尚書禮

部侍郎常說守本官並平章事時盧程以狂妄免郭崇
韜自勲臣拜議者以為

國朝典禮固寔須訪前代名家咸光裔有宰相器初
薛廷珪李現當武皇為晉王時當因為冊使至大原故

皆有夙望咸謂宜處台司崇韜採言事者六廷廷珪朽老
浮華無相業琪雖文李高頌險無士夙皆不可相乃用

光裔與帝
說司制

明宗天成元年五月制曰欲運陰陽賢者諒資於籌畫

將熹鼎飪哲王取踰於鹽梅是知心恬淡則燮理無差

意平正則調和靡慝王者以二儀為法百度是貞將施

理國之規必慎大夫之任其有鎮時望重濟物才高或

早推房杜之夙或暗合孫吳之畧咸膺妙選適副旁求

光祿大夫太子賓客上柱國滎陽郡開國侯食邑一千

戶鄭珽禮樂承家鈞台接武珪壁耀無瑕之彩咸韶奏

治代之音雅者百群貞規拔俗為搢紳之楷範作文學

之宗師歷踐華資常居重任舒卷罔逾於古道坦夷不

易於冲襟允為正人寔符休運正議大夫守工部尚書

上柱國樂安縣開國男食邑三百戶賜紫金魚袋任國

儒玄維代簪組傳芳蘊穰苴文武之才抱季子縱橫之

畧早參戎幕既備展於良謀自歷尹京復廣敷於善政

掩李牧防虞之術繼蕭何饋運之勞安北邊而頭賴殊

功代西蜀而周資婉畫及康延孝忽從劍閣欲襲錦川

統戎止及於三千破賊將踰於萬數奸兇盡戮印蜀再
寧靜十道之妖氣息三川之生聚遠提銳旅來赴上京
適當纂紹之初尤驗忠貞之節而鬱於人望協彼僉諧
宜膺並命之榮允謂當人之選或升書殿或掌國租異
伸致主之嘉猷別展富民之茂績於戲位尊百辟職總
萬機公忠之庶政惟和便辟則彛倫攸斁慎宣九德勉
阜群生珏可中書侍郎兼刑部尚書平章事集賢殿大
學士園可金紫光祿大夫侍郎兼工部尚書平章事判
三司特帝初即位因自蜀至安重誨不欲獨拜宰相共
議朝望一人共之孔循言珏貞明時久在中書性
畏填而長者美詞翰好人物
重誨即奏與園並命為相
二年正月制曰昔舜任皇夔百度時欽湯命仲虺萬國

咸寧道既合於君臣事實光於今古朕克相上帝歎祐
下民惟順考於典墳俾旁求於俊彥升之廊廟付以鈞
衡期共治於寰區冀亦康於黎庶厥有明哲咸謂碩儒
俾隆佐命之功久負濟時之器必使膺茲大任弼我不
基既詢謀以僉同固朕志而光定爰行並命是降寵靈
端明殿學士朝議大夫守尚書兵部侍郎上柱國賜紫
金魚袋馮道四瀆凝休五行鍾秀積善克承於家訓揚
名端守於素風孔門曾顏寧同懿行漢庭嚴樂詎比洪
才溫恭為君子之儒慈厚有大臣之體故自從龍契會
倚馬摘詞首贊先朝紹隆丕業為善不伐有能不矜守
廉貧則周耻緼袍持慎密則靡言溫樹泊予慕嗣賴育

彌遠爰精選於禁林乃特遷於秘殿愈陳規職屢纂論
觀正直以莫倫諒真純而罕匹銀青光祿大夫守太常
卿判吏部尚書銓事上柱國崔協星辰降杉軒冕黜
榮禮樂稟於生知詩書博於特習輝筆迹世可鄙荀陳
清貴傳家固趨王謝自登高第踐歷周行居內閣則職業
備修憲外府則朝綱克振近者委司選部命典秩宗轉
彼鈞衡則群才適叙調其律呂則雅音克諧既揚正始
之風可驗中和之德並以功庸及着問光望彌高且允
副於具瞻俾顯當於爰立是命寵升黃閣光弼紫宸或居
書殿之榮俱列戶封之貴仍加峻級以示新恩道既於
叶於咨詢心乃符於戲知人則哲予竊慕於前王事

君盡忠爾已聞於代當便且夙夜慎保初終使社稷以
無憂期子孫之有賴往踐厥位汝惟戒哉道可正議大
夫中書侍郎平章事充集賢大學士協可中書侍郎平

章事初豆盧革帝說得罪執正相與議宰相時經始之
初言事者衆咸以孔循少侍宮禁講故實之朝廷
人士之才行安重誨多聽之循意不欲河朔人君相與
初以援引鄭珏入中書至是任固欲相李琪而鄭珏與
其梁時同在翰林爲學士二人不相善居常功蓋孔循
既以珏爲門人亦排斥李琪謂重誨曰李琪非無藝學
但無朝論所與莫君崔協重誨以爲然後重誨曰殿中
弼矣朝論所與莫君崔協重誨以爲然後重誨曰殿中
書關人欲擇丞相帝曰誰可相者乃以崔協對任固曰
重誨文字時人呼爲無字碑日以陞下藩邸之年即回天
識無才幸進地不知書一旦驟庶輔弼終朝若召芒刺
以臣一人取笑足矣何容中書之內更盜笑端帝曰宰
相重位卿等更自詳審然吾在藩時職易州刺史帝曰宰
人言名家待我葦厚置於此位如何以肅首未可則焉
書記先朝判官稍爲長者多才博學與物無競可以相

矣書紀即馮道也掌為莊宗霸府書紀帝素疑顧偶不
記名但云書紀朝退宰臣樞密使休於中與殿廊舍私
循不揖佛徑去衣曰天下事一則任團團乃何者崔協
暴死剔己不死會居此位重誨私謂團曰今正闕人協
宜備員可乎團曰公言何挾哉今朝廷有李琪者學際
天人帝葉軒冕論才襲襲可敵舒輩百人而說者巧辨
忘言其能必舍琪而用協和氣蘇合之在取結蟻之轉
也重誨天而自然與循同職循曰言琪之知協之長月
月餘乃下此制
物論醜之

三年三月癸亥以成德軍節度使王建之為檢校大尉

尚書右僕射同中書門下平章事充集賢殿大學士判

三司事

長興二年三月制曰衡之平不欺於物水之正洞見於
形厥有操心秤而無撓重輕掛人鏡而自分妍醜所以
旁求多士果得正人符夢卜而惟吉之從舉賢而不仁

者遠命為余彌食日汝諧朝議大夫守太常卿上柱國
隴西縣開國男食邑三百戶賜紫金魚袋李愚劾草凌
風孤松抱雪壁向艱難之運再逢開泰之期先皇帝擢
在禁林輟隨征旆鋒銳翰墨經劍問而無競刊銘糞士
珠金八刃州而未嘗開夢罔矜諭蜀素蘊致堯洎朕績
紹不圖服勤內署填密而不言温樹諭思而守舉甘泉
及掌文闈大開公道樹杏壇而重興四教壁蘭省而再
陟二卿當祀周郊寄承殷誥泥金而將期猷頌擊石而
柔致來儀既歷誠諸難宣爰立作相是命西鳳池之貴
位類虎殿之群儒仍進崇階無加好爵於戲久虛右席
俾運前籌期偃戰於干戈致混同於書軌以毗乃群正

事惟醇則霖雨益梅於是乎在可正議大夫守中書侍郎平章事集賢殿大學士

四年正月制端明殿學士正議大夫尚書兵部侍郎上柱國彭城縣開國男食邑三百戶賜紫金魚袋劉昉可中書侍郎平章事

四月制曰朕聞燮理陰陽霖雨之功是託調和鼎鼐鹽梅之味攸憑蓋真淳則克契二儀正直則允諧庶品必在懸衡秉志定鏡操心苟無爽於毫釐則潛符於造化將付代天之柄宜歸不世之才今得良臣庶臻治道端明殿學士中大夫尚書兵部侍郎上柱國賜紫金魚袋趙鳳丹山瑞杉亦蚩靈鋒清明猶水鏡冰壺質厚若渾

金璞玉勳惟稽古靜可鎮時夢傳五色之毫文章煥爛力就三冬之志學藝縱橫頃在禁林常傳職業始中原之大定屬萬國以來朝制命聯綿詔書疊委共歎立成之敏略無停綴之時洎朕承基復資演誥俄遷居於秘殿常密贊於鴻圖寔賴謀猷每嘉經濟爰司貢部俾選儒徒果無遺逸之名定見搜羅之道昨朕將還洛邑特委浚郊一時權籍於殿邦期月尋開於報政思威並設賞罰皆明夷門無夜拆之喧梁苑遂春臺之樂克膺重寄允謂周才宣顯處於巖廊貴大施於陶冶黃扉峻秩粉署崇資兼煩等削之功更伏簡編之職勲階並進爵邑惟新足爲委立之榮在體勤求之意唯思啓沃端侯

弼諧於戲應夢卜之祥當股肱之任閱群生之休戚係
萬宇之安危社稷是憑寰瀛緊賴勉勤夙夜無怠初終
勿令伊說臯夔成擅美於前也可正議大夫門下侍郎
兼工部尚書同平章事監修國史上柱國仍封天水縣
開國男食邑三百戶

末帝清泰元年七月以檢校戶部尚書守太常卿盧文

紀為中書侍郎平章事帝素不悅焉道道以奉山陵出

寡合愚則氣則而性偏每於議論動必相違所以恩澤

稽番庶事停廢帝頗患之功擇輔臣採之於人又肆而

未决乃書作相姓名置玩器中已夜然香祝

八月以尚書左丞姚顛為中書侍郎平章事

十二月以秦州節度使張延郎為中書侍郎平章事

三年三月以翰林學士禮部侍郎馬裔孫為中書侍郎

平章事初帝為潞王鎮所中時裔孫為紀室及番守西

學士戶部郎中知制誥賜紫金未滿歲中書舍人禮部

侍郎皆帶禁職時潘邸舊臣韓昭裔房嵩為樞密使劉

延郎李專美為宣徽使河南戶雍王重美不平之密奏

曰馬裔孫者只令視章恐未得宜帝然之桑拜中書侍

郎平章

晉高祖天福元年閏十一月制曰天有寶圖應運者文

明之主國調金鉉入司者經緯之臣將冀大同須資良

弼况謂建邦之始難虛納揜之官其有爾府舊僚前籌

上密歷歲寒而期久弘益常多經艱險而不渝忠貞彌

篤式旌懿德宜舉徽章乃擇吉辰爰行並命翰林學士

承旨知河東軍府事正議大夫尚書戶部侍郎知制誥賜

紫金魚袋趙瑩儒中端士席上正人襟靈而萬里坦夷
行帶而四時繁茂洎陞簪履旦夕之婉畫喧人每待壽
惟遐邇之損衡在我翰林學士權知樞密使正議大夫
尚書禮部侍郎知制誥賜紫金魚袋桑維翰文場翹楚
學海波瀾梳澄不變於二風躁靜同歸於一德誠抱兼
人之器諒懷經國之才十年神揮翰之勞數鎮有從征
之役而皆功參佐命績顯坐籌蕭曹遠接於英猷房杜
進齊於芳烈成子丕業職爾元勳既協良辰難稽懋賞
自董戎而居廊廟由內翰而秉鈞衡乃用器佇觀燮贊
於戲優賢異典有國新恩勉伸禪救之謀共致升平之
洽事繁周避言直不解求修魚水之歡以保雲龍之契

瑩可金紫光祿大夫門下侍郎平章事集賢殿大學士
依前權知樞密使事
十二月制曰舜任五臣坐致清澳之化漢尊三傑克成
王霸之基皆所以義上下情洽得以寅亮大化導揚休
聲百工群臣允釐垂衣裳而御宇萬方率服鑄劍戟以
爲農或由輔弼之功兆此隆平之運朕謬膺開創初統
寰瀛昭臨將被於淳風宰制寔憑於良弼其有功宜締
搆業詔經綸兩朝翰翮戴之勲萬景仰陶鈞之力是宜
宜重膺夢卜再踐廟堂俾光新造之功共闡無爲之化
經邦致理翊戴功臣特進守司空上柱國始平郡公食
邑二千五百戶食實封三百戶馬道禮天蒼璧鎮國元

龜夏黃爲稀世之珍軒鏡是辟邪之寶方諸才業良平
未可差其肩較彼忠貞姚宋不得並其轡可謂人臣之
力尺造化之丹青自明宗皇帝克諧基扃仰膺圖讖於
草昧皇靈之際有攀鱗附翼之功密贊皇猷靜司帝誥
出納奉命周問旋八年持葛秤以定錙銖浮殷舟而拯
沉溺四時成歲陰陽畢順於燮調九德不愆朝野咸推
於表式紫子薄德獲被寵靈將揚勳以爲懷恐負荷之
弗克宜憑勲德共濟艱難是用重啓巖廊俾持契埴水
土之崇資不改弘文之大柄仍兼於戲造膝陳謀爾無
辭於裨救開懷納諫朕不怠於听從致社稷於昌期納
生靈於壽域共臻至理勿墜前功唯予大臣不俟多訓

可守司空兼門下侍郎平章事弘文館大學士

二年正月以兵部侍郎判戶部李崧爲中書侍郎平章
事克樞密使

五年八月以翰林學士承旨戶部侍郎和凝爲中書侍
郎平章事

漢高祖以開運四年二月即位稱福十三年四月以河
東節度判官蘇逢士觀察判官蘇珪並爲中書侍郎平
章事

九月以吏部尚書竇貞固爲司空兼門下侍郎平章事

弘文館大學士以翰林學士行中書舍人李壽爲中書

侍郎兼戶部尚書平章事

高祖有相壽意壽未拜前一日欲言事請見高祖召與語

濤曰國家新造丕圖內外藩輔並宜得人苟非其人無益招患今相輔位欽未審陛下欲命何人高祖曰實貞固問其次曰李濤濤恐陳謝曰臣器狹性愚憂時過當輟育潛越敷奏然臣才薄地卑無輔弼之望幸勿以臣汚制書翼日制出拜平章事

周太祖廣順元年正月即位以前太師齊國公馮道爲中書令弘文館大學士

六月以樞密使王峻爲左僕射兼門下侍郎平章事監修國史克樞密使以樞密副使兵部侍郎范質爲中書侍郎平章事以戶部侍郎判三司李穀爲中書侍郎平章事判三司

顯德元年正月制曰鴻遇順風比事者美賢良之任鵬征積水寓言者伸遠大之圖位匪才而不居才匪位而不展兩端相叩庶積方疑矣升佐命之臣以授調元之職端明殿學士通議大夫尚書戶部侍郎上柱國太原縣開國男食邑三百戶賜紫金魚袋王溥智出於衆行高於人茂學懿文而策名長才廣度以成器始歸霸府嘗劾折衝洎翊造邦彙參省密擗禁衣之詞翰伸秘殿之論思履順持謙奉公處正紫宸三接在注意以方深黃閣九遷諒登庸而允協俾宜相業共贊皇猷食邑增封功臣改號仍進階資之貴俱爲輔弼之光爾其師克儉於焚機繼在公於補衮詭辭而出奉義而行將繼賡載之歌長保處恭之位佩服茲訓式昭德音可金紫光祿大夫中書侍郎平章事

世宗以是月丙申即位七月癸巳制曰朕自履宸極思
平泰階出一令慮下民之未從行一事懼上玄之罔祐
晨興夕惕終歲予茲雖禮讓聞漸興行而風雨未之咸
若豈刑政之斯闕而德教之未孚哉錄由進用良臣輔
宣元化維服志先定亦與情具瞻爰擇嘉辰誕敷明命
樞密院直學士中大夫尚書工部侍郎上柱國晉陽縣開
國男食邑三百戶賜紫金魚袋景範昔佐先帝每罄
嘉謨建事湫躬愈傾忠節奉上得大臣之休煥身爲君
子之儒一昨戎輅親征皇都是守贊勲賢於留府副懲
發於行營軍政所資國用無關今則靈臺偃業宣室苗
功思先朝欲用之言成聖考得賢之美俾參大政仍掌
利惟爾其明聽朕言往敷玄化予欲則垂象而清品彙
爾則順天道以序彛倫予欲恤刑名而息戰爭爾則謹
憲章而恢廟畧天人之證懸合軍民之事罔渝則國相
之尊非爾孰處邦計之重惟材是臧勉思倜儻以致君
勿効因循而保位矜聞成績用副虛懷可正議大夫中
書侍郎平章事判三司

以上共捌拾叁葉

